



嘉泰吳興志

ル 5
2481
4



門名五
號 2481
卷 4-4

吳興志卷十七

宋談鑰撰

賢貴事實下

烏程縣

據舊圖經所載七人吳吾粲晉王談潘綜吳遠齊正靈
鞠正遲正仲孚以今所錄加漢錢讓沈喻沈儀吳徐詳
晉吳慶之宋正泉之齊正寂之太史叔明又陳武宣章
后羊緝女佩任事見郡志賢貴事實下以本縣之境自
秦至吳合與長興歸安三邑自晉以來分合不常故併
附之郡宋朝人物
載附於後
葉參字次公國初州人業儒者寡參卓然自立咸平中

言六一
登第爲舉子倡景祐中自兵部郎中出守鄉郡金部尙書王雅正作詩送之三司度支韓琦太常丞呂公綽薛紳祕書丞余靖曾公亮皆有詩餞其行今刻石郡庠葉清臣字道卿參之子天聖三年擢進士第二人不踰數年踐西掖北門之選訓章炳蔚馳譽當世父參知本郡公志便省親以太常丞集賢校理知宣州拜親於郡治桑梓榮焉公自爲詩在墨妙亭

葉夢得字少蘊參之族人年二十一中進士第初爲議禮選編修官對便殿徽宗異之除祠部郎累遷至翰林學士詔令得體建炎中召爲戶部尙書上疏論金賊利害凡數萬言除左丞再知建康移軍屯要害立廬室民

皆復業以崇慶軍節度使致仕嘗築室卞山號石林遂歸老焉有易傳書傳春秋傳春秋讞論語釋言孟子通議又有文集奏議自序燕語避暑錄巖下放言家訓金石類攷老子解審是集行於世
張先字子野登進士第詩格清麗尤長於樂府有雲破月來花弄影浮蘋破處見山影無數楊花過無影之句時號爲張三影李公擇守吳興招子野及楊元素陳令與蘇子瞻劉孝叔集於郡圃號六客晚歲優游鄉里常泛扁舟垂釣爲樂至今號張公釣魚灣公仕至都官郎卒年八十九葬卞山多寶寺之右有文集一百卷惟樂府傳於世

言元一
賈收字耘老有詩名喜飲酒其居有水閣曰浮暉李公
擇蘇子瞻爲州與之遊唱酬極多子瞻常遊何山道場
山回值風雨艤舟於浮暉命官奴秉燭埽風雨竹於壁
閒或刻之石今在墨妙亭收素貧東坡每念之嘗寫古
木怪石書其後以贈耘老云今日舟中霜寒十指如懸
槌適有人致嘉酒遂獨飲一杯醺然徑醉念賈處士貧
甚無以慰其意爲作古木怪石一紙每遇飢時輒一開
看飽人否莫若吳興有好事者能爲君月致米三石酒
三斗終君之世者當便以贈之不爾可令雙荷葉收掌
雙荷葉耘
老侍姬須添丁長以付之也添丁耘
老之子蘇去公作亭以
懷蘇名之有詩一編號懷蘇集

賈安宅字居仁收之從孫年十八入太學升上舍二十
二廷試魁天下召對除校書郎累遷至戶部侍郎兼太
上皇帝潛邸贊讀建炎中以舊學爲給事中封駁無所
回避歷仕三朝累司文柄其所選掄皆得成材徽宗嘗
手詔獎諭之子選詳明典故通達法理今爲刑部侍郎
吳侗字公度邃經術妙言語幼補太學爲第一崇寧五
年羣試禮部又中第一吳興素號多士自開寶迄是年
未有魁禮部者至侗鄉人榮之仕至刪定官所在又莫
不敬禮

芮曄字國器烏程人與弟暉力學起家號二芮同入太
學占選舍上游同登紹興戊辰第在館學雍容儒雅人

言志十七
推重之後爲司業四方學者爲得所師晚歲詩益奇有文集藏於家暉今爲兵部尙書

胡仔字元任父舜陟官至法從叔舜申舜舉爲郡守皆能知名仔少無宦情自號茗谿漁隱留心吟詠取自古詩人所作攷之傳記爲叢話百卷行於世弟仰今爲郎官見舊編

沈清臣字正卿登紹興丁丑進士第上書論諫官不當用歸正人語侵時宰貶封州放還隱居城南號晦巖坳書堂以來四方學者召入遷至皇子嘉王府翊善丐祠卽所居沼圃築亭揭閣曰潛谿多所賦詠後以祕閣修撰終於家

歸安縣

沈伯儀其餘並互見烏程宋朝人物附載於後

朱臨登皇祐元年進士第嘗從安定先生學及安定歿以其學爲鄉邦學者所崇儒風日盛仕至祕書丞有學田記宣化院記傳於世
劉述字叔孝登景祐元年進士第爲温州守民俗婚嫁以資幣相高述爲裁制之爲三第階等過時者有罰入爲侍御史知雜事大臣新用事置條例司述與劉琦錢顛力詆之又新制謀殺人自首者減等坐述又奏長惡惠姦不可啟乞重議被劾司馬光上疏申救不報謫居

江左曾孫岑亦中第紹興中至戶部侍郎侗儻高義人多稱之

劉一止字行簡述之族孫登宣和三年第爲紹興府教授太守翟汝文閒出所爲文屬之定橐紹興初召試除校書郎爲類試考官眾啟得文章典重者一止袖出一卷曰是宜第一及揭榜乃張九成眾甚厭服後爲給事中封駁不避權貴致仕歸年八十三卒爲制誥有體詩典麗樂府尤工有類橐五十卷茗谿集三十卷傳於世從弟寧止亦中第至法從立朝鯁亮建炎中論疏多剴切

莫君陳字和中從安定先生學登嘉祐二年第熙寧中

新置大法科首中其選甚爲王安石器重御家嚴整如官府東坡有西湖跳珠軒詩贈莫同年卽君陳也長子砥字彥平智識疏通嘗知永嘉生徒頗衆而養士額少公爲增額士感之爲立生祠子伯虛爲郎繼守溫立思齊堂爲文以記其事後知常州和氣所召春有瑞梅甘露夏麥秀兩歧秋禾合穎皆瑞應也後退居里社注意佛書撰修行淨土書法門華嚴經意並刊行於世又釋楞嚴圓覺經意藏於家諸孫濛法科進至刑部侍郎漳登進士第今爲郎漳子柯戊戌年登進士第
莫礪字彥輔君陳第二子有子曰伯鎔字器之少有高世志年五十卽歸休以迎師教子爲事子三人曰濟曰

汲曰冲皆有俊聲擢進士第時號三莫後濟冲又中博學宏詞科濟温粹和易而立朝鯁亮毅然不可移爲給事中封駁有聲嘗知温州以儒雅飾吏事爲明州長史輔以正道後知泉州所至皆稱循良礪有孫曰澄庚辰登進士第亦知名於時

俞汝尚字退翁以字行登慶歷二年第嘗爲益州新繁令御史員闕驛召至都下以疾力辭後爲青州僉判致仕還鄉滕甫有送行詩云清明冲節是身謀御史郎官不肯留回首軒裳雙脫屣放懷天地一輕漚卞雲茗月柴門靜菱雨蘋風野艇秋仰羨冥鴻空自媿區區圖報未知休歸逾年臥病夫人視之公曰人生七十者稀吾

與夫人皆過之可往矣夫人曰我先去退翁曰善後三日夫人黃氏沐浴化去退翁自爲文誌墓明日召諸子曰我行矣俄而隱几而終高郵孫覺撰墓表秦觀書

姚舜仁字令由元豐八年登第爲太學正召對稱旨除館職遷庫部員外郎進明堂定制圖并敘上賜對褒獎降詔可其奏又換明堂訓解一卷擬復上之而疾弗果後兄舜哲表進以成其志

沈該字守約歸安人王父時升兄調皆中第該亦以上舍釋褐處鄉里以和易謙退稱每出人喜見之日爲三大夫紹興八年金人在淮泗遣使請和上疏論之朝奏夕召後爲禮部侍郎出知潼川夔府召還除參知政事

舊吳興丁身歲輸三十有奇公奏減五分之四鄉人德之公遂於易撰小傳六卷其說以左氏變卦爲文嘗進之高宗降詔褒獎今刻石於其私第又有文集五十卷律詩三百五十篇雜著一百篇
周操字元持氣岸磊落登紹興乙卯第知徽州黟縣以忤權要出職後除國子學錄嘗論對上意欲興武學以問操操歷以本朝建置之因對遂兼武學博士後歷言路升八座及爲詹事東宮加禮敬焉有奏議二百篇藏於家見舊編
葛邲字楚輔孝宗時同知樞密院事光宗時升右丞相配享光宗廟廷

長興縣

吳興自錢林於漢元始中隱於平望鄉陂門里梓山其名已顯及晉陳達悅其山水乃遂家焉後達生陳高祖傳世者五一時人物之盛表表可紀已載賢貴事實及唐錢九隴徐齊暉徐堅及其諸女相繼於後事亦書賢貴事實下宋朝人物附見於此
劉誼字宜翁許安世榜中丙科熙寧中持節南方請罷買沈香減鹽價凡四十餘事帝詔輔臣曰劉誼論事有陸贄之風王安石銳意新法誼上疏極諫其不便坐是廢黜從異人授出世法遂隱三茅山十年不出有詩云曾跨江西使者鞍舊言讒上使休官三茅得夢全清瘦

言志十七
頭髮鬚髻布襖寬東坡自嶠南以書問道曰或有外丹已成可助成梨棗者望不惜分惠又曰先生筆端有口足以形容難言之妙軾亦眼中無翳必能洞曉不傳之意有文集三十卷奏議四十卷今傳於世

劉燾字無言宜翁次子未冠游太學與陳亨伯俱以八俊稱會試史官策或戲之曰子平時好論將教授以破題乎燾卽下筆曰秉史筆者權猶將也君命有所不受焉衆歎服東坡知元祐三年舉讀其文曰必巖谷間苦學者中第三人廷對又中甲科東坡薦燾文章典麗可備著述科帥中山時以蜜漬荔枝遺之詩末章云詩清真合與君嘗歸朝趙民彥嘗云在虜中飽觀君文尤善

書筆勢邁邁山谷謂江左復生羊欣薄紹之矣在館中時被旨修閣帖十卷所謂續法帖者是也嘗注聖濟經編修道史有遺文五十卷號南山集

劉珏字希范宜翁之姪幼入太學時道鄉先生鄒浩在諫垣以直言竄謫後召爲舊職珏以書規切之京師傳誦比韓愈諍臣論登進士第累官至主客郎靖康初詣中書極論天下事除中書舍人建炎初以資政殿學士同知三省樞密院事累疏陳守禦之策時黨籍子孫尙未錄用公悉奏任之有吳興集二十卷奏議五卷藏於家

劉度字汝一博覽強記內翰汪藻奉祠領日歷寓居西

寺一見異之以制科表薦登紹興己丑第後歷臺諫辛巳歲虜人叛盟條陳三策大駕巡邊留居諫省上卽位抗疏陳春秋正始之道去國居里貧無戚戚之態有傳言鑑古五十篇雜文三十卷藏於家見舊編

施元之字德初官至左司諫

武康縣

武康人物舊圖經所載沈勁以下二十七人餘英志黜其二沈眾姚紹而增十有五而八爲近世之名卿士則自唐以前爲三十有四而統記所載沈伯儀等九人則又志去取猶有未盡今據史傳所載自吳以下總三十七

而三十一爲沈姓焉時尚未分德清也以故因史傳所書曰武康人合於郡之賢貴事實下宋朝人物附載於後

成無玷字士穀登進士第建炎中自刪定官除知鄂州守禦遵古兵法都督張俊薦之朝太上皇帝累賜御札獎諭未幾韎韐字堇園之甚急無玷堅守堇竟引去後因晨起巡城霜滑墜足而卒

劉士英字冲發以上舍擢第爲温州教授方寇之擾士大夫皆遯去士英獨留聚官兵保甲守禦州賴以全後通判太原金人大入與將王稟堅守自乙巳冬至丙午秋城中食盡王稟赴火自盡士英戰死見舊編

談志十七
施鉅字大任官至參知政事

德清縣

德清縣在武康未析之前人物竝見武康志自唐天授已析之後如沈傳師統記以爲德清人唐史又以爲不然及本朝王文正公作墓表其言自有證今附之德清人物

沈嚴字叔寬幼負器識善屬文大中祥符八年中禮部第四人廷試甲科國家興山澤之利主計薦公監洪州武寧茶場兼領本邑事吏畏其廉民愛其慈及卒貧不能葬太守滕元發葬於縣之永和鄉范文正公與之同年爲銘其墓

沈瑄字次律嚴之族人父彥明叔彥聲皆登第瑄少游學深於春秋爲文章尙氣節尤好吟詠後至燕雲提舉郭藥師敗粘沒罕勢甚熾士大夫皆束手瑄獨毅然不屈雖臨以刀刃終不變逃歸詣闕獻策不用著南歸錄以摠忠憤遂還里中自號柯田山人終老焉子正度今爲郎

沈與求字必先瑄之從父中何棗榜第爲杭州儀曹胥吏畏其剛介召試授館職後爲侍御史遷中丞風采聳動一時中興臺綱之振始於此爲吏部尙書銓選清明爲翰林學士詔令有西漢風骨後除參知政事進知樞密院有龜谿集三十卷傳於世

沈介字德和彥聲之孫年十八登進士第又中博學宏詞科除祕書省正字後爲中書舍人以次對出知平江府召歸上疏甚剴切備言虜人必爲患明年虜犯兩淮乃以兵部尙書爲荆湖制置使風采震聳邊郡再知平江一知成都皆繁劇郡爲政綽有餘暇豪猾斂避平生奏議及著述皆未編次見舊編

沈夏字得之嘗爲蜀帥孝宗時僉書樞密院事

李彥穎字秀叔孝宗朝兩爲參知政事獨當國柄

安吉縣

圖經載施咸等八人許頤于數吳均共十一人統記載共三十一人施十五人 萬十四人 吳二人據三國

志朱治然績各有功業已載郡圖經宋朝人物附載於後

吳可幾好古博雅與弟知幾相繼登進士第時號二吳可幾仕至太常少卿著千姓編凡論姓氏所出

於世知幾至郎官嘗守其父屯田郎墓三年平地出泉人皆異之號孝子泉見舊編

沈樞字持孝官至太子詹事

進士題名

郡之登進士科者唐至宋初無題名嘉祐八年知州事張田始刻石於郡學經史閣下之右序自慶歷二年本州及游學之士咸追書之爾後相繼不絕至崇寧二年

後止書本州之士政和八年以來又闕不錄紹興三十年提點本路刑獄呂廣問攝郡事迺屬教授陳叔達併錄刻焉淳熙二年教授虞儔又附載其在祖父昆弟之登科者名於下今錄如右

慶歷二年楊寘榜 俞可 俞尙 臧緯 劉達

慶歷六年賈黯榜 陳舜俞 李軻

皇祐元年馮京榜 盧秉 劉握 丁伯初 朱臨

沈伸 姚舜諧 丁錞 陳樞 徐絳 周之彥

皇祐五年鄭獬榜 周景賢 李恂 沈振 周之道

莫士光

嘉祐二年章衡榜 張修 施碩 莫君陳

嘉祐四年劉輝榜 陳皓

嘉祐六年王俊民榜 陳幾 姚安世

嘉祐八年許將榜 俞温父

治平二年彭汝礪榜 吳彖 范彖 劉隲

治平四年許世安榜 劉誼

熙寧三年葉祖洽榜 俞純父 朱早 劉損 許彥

臧詵 戚山 方綦 施耕 劉極 沈佑 管太

初

熙寧六年余中榜 朱服 陶兌 沈彥明 丁注

蔡蹈 汪聞 張易直 張著 陸元光 徐唐臣

胡解 周之才 沈特 方景 沈寅 丁演

熙寧九年徐鐸榜 霍同 沈倚 葉勤 丁維 徐
允文 張茂直 葉劭 沈倫
元豐二年時彥榜 沈千 陸元賓 沈仍 陳杞
丁掌 黃居 朱率 臧詢 沈偕 吳植 宋前
嚴應期
元豐五年黃裳榜 袁應中 楊詢 莫倚 張湜
周需 陸元成 沈彥聲 李穀 莫羣 徐元 張
稚通
元祐八年焦蹈榜 姚舜仁 魯伯能 周天倪 沈
純誠 姚祐 王履 鄭奕 太史章 劉定國 朱
級 張謚

元祐三年李常寧榜 劉燾 李肱 丁沔 莫偕
李疇 陳敏功 史先能 俞隆道 戴懷 王頤
劉全
元祐六年馮涓榜 劉安止 朱任
紹聖元年畢漸榜 朱南強 宋彥弼 卜僮 本 姚
侯
紹聖四年何昌言榜 張大成 周敦 周知微 沈
章 曾綸 盧蕡 何達 顧天經 葉筠 周衮臣
王霖
元符三年李金榜 余拂 陶旒 吳彥 沈時升
費若 周天益 范蕡 吳天將 徐繹 吳燾 韓

奕 王遵道

崇寧二年霍端友榜 沈純道 楊天倪 莫汝明

張維 吳升 張汝舟 張湍 朱种 丁挈

崇寧五年蔡薙榜 劉珏 上舍 成無玷 張同 王

翻 上舍 金譽 吳侗 省元 李預 郝表 沈純正

丁安常 劉拱 沈毓 呂之望 練表

大觀三年 賈安宅 狀元 張大受 郝嘉謀 陳湯

求 上舍 張汝欽 夏千之 丁安止 錢楊 上

舍 曹宗臣 施敦仁 成能

政和二年莫儔榜 蔡調 上舍 吳价 上舍 沈調 上

舍 沈欽止 上舍 劉士莫 上舍 莫廷詢 上舍 陳

大聲 進士 萬冲 俞汝明 任居中 沈與

政和五年何棗榜 錢葉 上舍 沈與求 上舍

吳竝 上舍 沈友誼 入行 姚殼 進士 盧長卿 進

士 吳師直 太醫學 劉嶠 入行 史祺孫 上舍 朱

蹕 上舍 周敷 入行 鄭績 太醫學 劉唐賓 上舍

姚處厚 毛選 沈毓

政和八年嘉王榜 莫仲珪 上舍 沈昭遠 上舍 沈

該 上舍 王翰 將赴殿試 徐抑 上舍 徐念道 上舍 莫

庭芬 上舍 施銳 上舍 蔡德升 上舍 沈瓏 鑠廳

張擇亨 施中行 吳景温 潘慶 李中

宣和三年何渙榜 劉寧止 潘蕡 王秉 方之平

劉一止 韋積 姚溪 鍾燮

宣和六年沈晦榜 賈安常 朱克明 丁昌朝 莫

若 師謙 杜大成 劉岑 莫芬份

建炎二年李易榜 嚴抑 沈震 盛光祖 沈長卿

陳澥 朱詢武 潘莘 石茂良 沈濬

紹興二年張九成榜 劉知昌 朱三思 施渙之

陳綱 徐楊 王古思 錢洵 范彥輝 陳琦 附申

紹興五年汪應辰榜 丁雄飛 沈作詰 周操 方

梓

紹興八年黃公度榜 林孔彰 談誼 錢建 沈晞

顏 劉嶸 倪偁 莫濬 沈介 吳允協 姚蹈

朱岳 葛立方

紹興十二年陳誠之榜 楊郢弼 嚴康朝 范梓

沈敷 李彥衛 朱安時 魯藝 沈汝一 方溥

施士衡 方棗 王存之 郝次雲

紹興十五年劉章榜 趙之輔 嚴祝 莫濟 劉度

沈樞 陳則 李渥 袁綜 莊衡 周頴 談慮

潘良翰

紹興十八年王佐榜 莫汲 芮輝 李彥穎 朱三

省 萬介 王康年 莫冲 施貫之 葛邨

紹興二十一年趙達榜 王獻民 李木 張俊民

黃元遜 姚仲 欽楚 林次齡 盧嶼 施知彰

周蒙 諸觀 方將 沈復

紹興二十四年張孝祥榜 周碩 莫源 李昱 朱

鼎 鄭南 張潛 施元之 李濬 袁損之 汪安

行 葛郊

紹興二十七年王十朋榜 鄭承 吳允成 莫澄

太史邵

紹興三十年梁克家榜 丁軻 吳芸 沈祖德 鄧

倫 周祐 芮嘉言 練夢鵬 沈瀛

隆興元年木待問榜 林垞 顧待問 丁光逮 周

華 俞瀾 顧強 劉國賓 李冰 呂旦 莫祥

盧岬 葛郊

乾道二年蕭國梁榜 朱繹之 丁敦夫 倪思

劉三傑 章深 莫標 章潛 吳東 滕良知 劉

庚

乾道五年鄭僑榜 莫漳 朱逮 施邁 沈鑑 王

邁 孟必先

乾道八年黃定榜 李沐 孫僑 陳南 王孝嚴

丁夢錫 盧宜之 沈作霖 濮坦 朱辟非

淳熙二年詹睽榜 倪恕父傳弟思 劉棠 周常 韋梓

孫曄 劉深之父庚叔

淳熙四年皇帝幸太學釋褐 魯東禮

淳熙五年姚隸榜 李尙兄冰 練文祖表 談子英

伯誼 上思齊 上舍 章泳 曾祖惇祖擇父傑兄深 劉宗 伯祖十英

倪愿 父再兄恕弟思 莫柯 祖仲珪父漳 吳衛 章良能 父駒

王中立

淳熙八年黃由榜 談鑰 伯誼父慮兄子英 顧簡 上舍 章

變 吳華 上舍祖侷兄芸 芮宦言 伯燁叔輝兄嘉言 朱端常

淳熙十一年衛經榜 劉庶 上舍叔知伯兄度庚姪深之 章良肱

父駒弟 李日與 傅良 胡修 金堪 曾叔祖譽 孟醇

孫必先 李翱 朱常 趙汝儼

淳熙十三年太上皇帝慶壽上舍釋褐 錢重

淳熙十四年王容榜 劉開之 沈觀 茅無競 朱

景獻 林煒 吳勸 朱髮 莫彬 沈有成 張嘉

謀 朱儕 趙彥制

淳熙十六年二月皇帝登極上舍釋褐 沈端叔 臧

辛伯 紹熙元年余復榜 劉序 子開之 沈葵 曾伯祖錡 陳昂 兄

則 劉伯麟 朱偃 弟濟 王田 兄中 朱應佯 趙

善勤 趙汝鳴 兄汝 趙希實 弟希容 趙汝昉 弟汝

紹熙四年陳亮榜 俞灝 兄希尹先疑平一姪遠應符建 陳湘 姪捕

劉依之 父度叔庚兄深之 丁端祖 曾叔維伯祖安常安止伯輔雄飛 趙

師道 朱申 兄偃 俞儕沂 趙時逢 袁聘儒 李

岑 曾伯祖友諒會祖交聞伯祖先 陳至 伯則叔昂 陳眩 施一鳴 曾叔祖鉅

伯 陳壁 曾叔父覲叔噎

紹熙五年覃恩釋褐榜 萬夢實 祖介

慶元二年鄒應龍榜 陸談經 顧元龍 陳有成

林漬之 弟 莫汶 李天益 石宗玉 張準 曹待

聘 趙師鼎

慶元五年曾從龍榜 韋炎 周師威 何灃 趙汝

榛

列婦

孔氏婦吳三郡國志云婦有八子皆訓以義方夜則讀書晝則力田漢哀帝時俱為郡守後人因名其居曰八子墩在烏程西三十八里
乘公濟妻姚氏南史云吳興人生二男而公濟及兄公

顧乾伯竝卒各有一子姚養育之賣田宅為取婦自與二男寄止鄰家事聞詔婚其二子仍旌表其里閭復徭役

羊緝女佩任南史云烏程人隨母還舅氏母亡晝夜號哭不飲食三日而亡鄉閭號曰女表齊春秋云且緝女

釋道

法願統記云俗姓鍾長城人宋孝武帝及高帝悉敬仰之願遭兄喪乞還即至鄉敕旨重疊駕親自幸以伸省慰願遣弟子拒云鄉疾未涓不堪相見帝乃轉蹕文惠太子嘗往寺問訊願不命坐文惠作禮而立乃謂願曰藻吹清鏡以為供養其福云何願曰菩薩八萬使樂尚

談志十七
不如志心今吹竹管子打死牛皮何足道哉其秉德邁時皆此之類後入定三月不食忽語弟子曰汝失餅籬矣尋卒

慧進高僧傳云慧進俗姓姚吳興武康人昔在凡之時性曠邁不拘名節中年意有所悟乃始出家常聚錢願造法華經一百部經營未成聚得錢一貫六百文羣盜聞慧進欲造百部法華經謂其房中厚蓄資財遂劫而問曰師有幾錢慧進云貧道惟有造經錢一貫六百文在某處羣盜覩然相顧而散及經成忽聞空中有人言曰汝願足矣當生西方永明四年無病而卒時年八十有五矣

法朗俗姓吳氏吳興人住武康縣家世遭禍因往建業大明七年與兄法亮同出家爲沙門初亮履行高潔經戒修整朗稟性疏率不事威儀注涅盤經勒成部帙而言謔調笑不擇交遊高人勝己者少見齒錄卒於天監年中

慧巨字智洪俗姓錢長城人年十四出家梁武帝嘉之敕有司賜衣鉢與陳文帝爲出塵之友及帝踐阼情好益深每乘四望車入宮內宣帝卽位禮接彌厚敕請爲吳興大僧正住天居寺事見道宣下弟慧壽亦長城人事見隋官師傳法禮俗姓包少出家好救人疾病素不知醫方藥術以

意療之無不痊效又不曾習易占候之書驗陰晴雨雪
十不失一又同侶過揚子江至淮南遇風濤一舟人畏
懼禮立於船前攘臂張眉曰江神汝何不收風止波使
吾船人平俄而風波恬息安然濟岸武后徵爲國師居
龍興寺又武后朝包氏子於上强山中逢一白鹿吐兩
珠於地光輝可愛乃以一珠吞之其一珠歸以獻母置
於山中光照一室後乃以一珠捨入棲流寺殿檐額山
包氏子出家爲天台也
道宣俗姓錢長城下箬人也唐初母姚氏夢日入懷宣
在孕十二月以四月八日生又嘗夢一僧曰夫人懷之
子乃梁朝祐律師捨出家年十三學綜經史名通天下

隸名山豐德寺嘗有天師神采謂曰師當生彌勒宮中
道一書曰此乃棘林天帝所燒者以其年冬卒著內典
書數百卷行於世

慧壽俗姓謝長城人住西水寺持法華經天旱求雨時
有一綠衣人云吾是此山張水曹神將請於大山師若
要水一小吏與師行雨忽一夜大雨發洪水數家悉被
漂溺旬日又見前使者所著綠衣人領一小吏屈膝脫
背示鞭笞之痕謂慧壽曰小吏行雨頗不用心已科數
下訖

法瑀俗姓沈八十五禪坐而終數年始葬建塔其顏貌
如生鬚髮長數丈高僧皎然爲其立碑

以上本上人

道祥俗姓顏容貌奇偉作天竺婆羅門狀幼通大小乘經與烏程習法師最相友善習嘗夢道祥來謂貧道悉是維那佛也今因緣且盡故來相別耳習驚覺俄有長城信至云祥法師已卒

清書字皎然謝靈運十世孫天資疏野多神思居郡中興國寺西院尤工五言詩與刺史顏真卿諸名士酬倡及預撰韻海鏡源著儒釋交遊傳及經典類聚四十卷又有茶訣一篇後元和四年刺史范傳正典會稽僧靈徹同過舊院題詩云道安已反無爲鄉悉遠來過舊草堂余亦當時及門者其吟佳句一焚香宋蒿頭院序

之云唐僧皎然以道稱於吳諺美之曰雪之晝能清秀又作詩云晝公文章清復秀天與其能不可曷僧攻文什自古有出拔須尊晝爲首凡七絕韻發聲錄惠覺俗姓丁唐朝人禪坐一牀致絕糧終年所居興化寺降甘露之祥

慧隱俗姓陳住報德寺所居房中除三衣外不置一物足不履俗家常日夜誦法華經兩徧澡瓶浴盆將盡輒滿每擬誦經香無故自然芬馥小意錄道虬俗姓張住長興報德寺通內外典籍尤善談論友人校書郎包融爲之贊序云沙門道虬年三十三立才獨行亦猶山有鳳皇之雛林養俊貌之子凡百羽毛之

族無不祇畏

慧暢公姓徐不學於師至契心印嘗織芒躡蒲履之屬於山中道上一日謂弟子曰吾聞天台山有凱公遺跡思暫往焉言訖便行躋山涉澗不由道路長城曲水寺去天台八百餘里後有人從天台來計暢之程一日而至後忽令人洒埽曰今日將有客至齊訖趺坐奄然而逝

慧解俗姓陳有至行常多學徒於天目山坐夏屬歲旱齋糧不足僧眾將欲下山解乃賣身得錢穀絹帛以給之沙門杼山皎然萬谿道祥虎丘法簡時相友重請住蘇州流水寺

法瑤高僧傳云法瑤俗姓楊河東人元嘉中過江值沈臺真請居武康小山寺講大品維摩涅槃等經永明中敕吳興禮致上京年九十七歲

法訓居馬勁山蘭若山中舊多蛇虎法訓至夜夢一人云和尚在沈弟子當為和尚驅逐山中害蛇虎乃自此而絕

慧纂俗姓陳住吳興長城人居寺精於學業年十三卒

以上係住院僧

法照唐朝吳興人也姓黃氏學道內外武后賜墨敕禮為門師居重光寺

慧澤俗姓口吳興長城人涉獵諸史有文采出家通內

外典四部之書住重明寺見梁書

以上尼二人

孟翼齊春秋云烏程人造正一論言佛之與道一也
戴洋字國游吳興長城人年十二病死經五日復蘇乃
自云入使爲酒藏史授符籙麾節昇蓬萊崑崙積石大
室匡廬等山逢一老父謂曰汝當得道善風角占候凡
所試驗百不遺一
沈法護吳興德清人幼聰智爲葉天師弟子景雲二年
執墨敕使江南十二州采藥

回道人回仙錄云吳興之東林沈東老能釀十八仙白
酒一日有客自號回道人長揖於門曰知公白酒新熟
遠來相訪願求一醉實熙寧元年八月十九日也東老見
其風骨秀偉蹇然起迎徐觀其碧眼有光與之語其聲
清圓於古今治亂老莊浮圖氏之理無所不通知其非
塵埃中人也因出酒器十數事於席閒曰聞道人善飲
欲以鼎先爲壽如何道人曰酒器中惟鍾鼎爲大屈卮
螺杯次之而梨花蕉葉最小請戒侍人次第連斟當爲
公自小至大以飲之笑曰有如顧愷之食蔗漸入佳境
也又約周而復始常易器滿斟於前笑曰所謂杯中酒
不空也回公興至卽舉杯而盡乃命東老鼓琴回乃浩
歌以和之又嘗圍碁以相娛止弈數子輒拂去笑曰祇
恐碁中爛斧柯回公自日終至暮已飲數斗無酒色是

夕月微明秋暑未退蠹蚋尚多侍人秉扇驅拂偶滅一
燭回公乃命取竹枝以餘酒嚙之插於壁閒須臾蠹蚋
盡棲於壁而所飲之地灑然東老欲有所叩先記以求
驅蠹之法回公曰且飲小術何足道哉聞公自能黃白
之術未嘗妄用且篤於孝義又多陰功此予今日所以
來尋訪而將以發之也東老因叩長生輕舉之術回公
曰以四大假合之身未可離形而頓去惟死生去住爲
大事死知所往則神生於彼矣東老攝衣取謝有以喻
之回公曰此古今人所謂第一最上極則處也此去五
年復遇今日公當化去然公之所鍾愛者子偕也治命
時不得見之當此之際公亦先期而知謹勿動懷恐喪

失公之眞性東老領而悟之飲將達旦則甕中所釀止
留糟粕而無餘瀝矣回公曰久不游浙中今日爲公而
來當留詩以贈然吾不學世人用筆書乃就擘席上榴
皮畫字題於庵壁其色微黃而漸加黑其詩曰西鄰已
富憂不足東老雖貧樂有餘白酒釀來緣好客黃金散
盡爲收書已而告別東老啟關送之天漸明矣握手竝
行矣約異時之集至舍西石橋回公先度乘風而去莫
知所適

葛洪嘗隱居於葛仙山今山有煉丹竈擣藥臼存焉風
雨之夕丹或顯現職方圖志葛仙煉丹處天下有十三
烏程居其一又子城北天慶觀西有煉丹井里俗傳云

葛仙翁嘗於此井汲水煉丹焉
薊子訓風俗通云子訓藝明方術解分身王儉姓系云
子訓漢時隱身於吳郡餘不鄉今在武康縣界也尋卒
葬於烏程縣湖趺山

馬自然有人於白塔巷釀酒出賣遇道人馬自然常來
賒酒而飲不醉無歸如是日居月諸主人供侍無懈一
日道人沈湎謂主人曰我今日已得仙矣所哺酒價焉
敢輕於酬遂出囊中藥點化賣酒鐵井竝爲紫金便卽
界下雲生一昇而去士庶登店前谿橋望觀如堵咸見
入雲而去其橋遂得名望仙江子匯頗多蟲蚋自道人
馬自然泊舟之後至今其處不生暑月居人坦然無苦

姚紵嘗於白鶴山觀棊爛柯於此山化爲白鶴而去後
人因以名焉括地志云安吉縣有五山昔鄉人姚紵者
采樵於山遇仙及還自入甕中隱其身謂家人曰可七
日勿開期未至而家人開之紵變爲白鶴飛去
陸修靜隋時爲道士沒於烏程縣東仙潭更數月乃出
後人因以名焉

施績女吳時驃騎將軍西陵督故鄣施績女得道內傳
云績有女名淑昔有仁信今聞得道今在東洞天中屢
遷官

張志和續仙傳張志和號玄貞子嘗爲漁父詞後於湖
州刺史顏真卿坐上雲鶴翔集飛升而去餘見事物雜

志玄真子下

沈羲吳興人躬耕於野棄耕具而亡家人求之不得自是聲跡皆絕子孫相傳以爲羽化邑人莫之信也齊永明二年乃歸訪舊廬謂其耳孫曰吾爲汝家四世祖在西蜀之西以符藥治病有活人功上帝授我白玉簡爲碧落侍郎今歸以告汝倏忽不見邑人聞之駭異遂以其地建道觀設祠塑像以奉之事見太平廣記今觀之東偏環翠堂有唐人詩云碧落新除沈侍郎便驅旌節治東方不知今夜游何處從者皆騎白鳳皇宋崇寧大觀間有內庭女道官鍊師孫千霞夢一道士披采霞衣來言曰吾武康人也在碧落中有仙職時薄遊塵世與

道觀里域真官爲鄰與子有宿緣他日當相遇於彼千霞覺而茫然不知武康爲何地及靖康之亂避難南方依直省官石防禦者家於德清之茗邨始知武康爲吳興屬邑一日石氏設大醮羽衣畢集邑之主觀道士姜景良與焉千霞具以夢告景良曰卽吾邑沈羲也初堂在里域真官之左千霞感慨流淚亟造延真觀焚香設禮瞻仰塑像拜而起曰真吾夢中所見也遂捐橐中金徧施黃冠而去千霞後於富陽泰元山建紫霄宮其徒數百人年八十有九忽領髭蔚然叢生越三年羽化真異人也見餘英志

右神仙

吳興志卷十七

碑碣

宋談鑰撰

州治

吳興志卷十八

唐太宗御製聖教序

僧智永集王羲之書在墨妙亭

唐開元皇帝封文宣王詔

在州學大歷四年別駕孫沛立王右軍十六代孫榮書

敕天下放生池碑

在魯公祠唐肅宗御書題額銀青光祿大夫使持節昇州諸州軍事昇州刺史充浙西節度使兼江寧軍使柱國丹陽縣開國侯臣顏真卿撰并書以大歷八年於州駱駝橋北建

乞御書題額恩敕批答碑陰記

唐金紫光祿大夫行國公顏真卿撰并書又載團練副使別駕盧暉元自勵

徐自然劉抗長使鄭滔王叔卿徐昇司馬張彥弼黃持志姚執珪錄參軍事路惟衡曹友諒康造攝司功李瑗司兵劉中參軍鄭實司倉杜無惑司法談佚王湜姚觀

司戶武叔章準張庭琇王應司田元沛王銛司士郭晰
李羣劉德敏同團練副使前殿中侍御史李萼司士程令
李晤丞李佶徐彥雲李抱虛徐明權施惠整顏怡主簿
呂遙揚使長城令朱自勉丞徐趙琪安程希俊楊宥曹友
張遐尉杜勉陳巢之賈嶸楊勝趙琪安程希俊楊宥曹友
盧攝丞楊齊光康造主簿盧勝尉杜軫程希俊楊宥曹友
主簿孫必葉迅尉陳演長孫瑀杜重英呂時尚素鄭若水
銘丞陸造錢箕尉孫演李光之桂林續圖經云當大歷
中湖州刺史別駕四員諸曹掾大率三員諸縣令丞尉
甚故著此以俟博學之士稽攷焉
救書褒戰功記在甲仗庫前唐憲宗賜刺史辛泌及慰
碣

宋皇帝御製戒石碑

碑在知州大廳前元祐中臣黃庭

興二年十月癸酉端明殿學士左朝議大夫簽書樞密
院事權參知政事臣權邦彥左通議大夫參知政事福
建江西南西路荆湖南北路宣撫使臣孟庾左通奉大夫
守尚書右僕射同中書門下平章事兼知樞密院事臣

真宗皇帝御製文宣王贊

碑在州學太宗祥符元年十

秦檜特進尚書左僕射同中書門下平章事兼知
樞密院事都督江淮荆浙諸軍事臣呂頤浩題跋
月十日車駕幸曲阜縣謁奠先聖文宣王命刑部尚書
溫仲舒等分奠七十二弟子禮畢幸孔林是日詔先聖
加號元聖文宣王御製贊又詔禮部尚書張齊賢等次
日以太牢致祭詔衍公顏子進封兗國公十哲閔子以
下進封公曾子以下進封侯先儒左邱明以下進封伯
五年八月二十二日奉敕諸道州府軍監各於元聖文
宣王廟刻御製贊并詔十一月一日奉敕
改諡曰至聖文宣王贊後所載者如此
御製文臣七條并詔每在知州大廳真宗皇帝所御製也
監知縣辭去之日普令拜賜追仁宗皇帝慶曆三年詔
頒天下朝奉郎守尚書金部郎中知湖州軍州兼管內
勸農事上護軍賜紫
金魚袋臣馬尋建

御製武臣七條

在知州大廳真宗皇帝
御製也慶歷五年建

仁宗皇帝獎諭守臣滕宗諒進柑子詩敕書

在州學康
定元年立

聖制御書手詔在知州廳上徽宗皇帝御製御書也崇寧四年九月二十日奉聖旨摩勒於長

徽宗皇帝御筆御製辟雍手詔并大司成辭昂奉旨所

撰後序在州學崇寧四年通判權州事林虞立

御筆神霄玉清萬壽宮手詔在天聖寺宣和元年八月十二日奉聖旨立石

高宗皇帝御筆御書孝經在州學紹興十四年太守張守立

孝宗皇帝御筆獎諭守臣鄭作肅手詔在郡廳以上宋朝御製御書碑

漢故梁相費府君碑在墨妙亭梁相諱汎字仲慮此邦人名氏君名汎字仲慮官至梁相碑不載其鄉里及刻石年月集古錄曰其題額漢故梁相費君之碑碑云梁相諱汎字仲慮此邦之人也其先季文為魯大夫有功相諱汎字仲慮此邦之人也其先季文為魯大夫有功封費因以為姓秦項兵起避地於此遂留家焉碑無建

漢故梁相費府君碑在墨妙亭梁相諱汎字仲慮此邦人名氏君名汎字仲慮官至梁相碑不載其鄉里及刻石年月集古錄曰其題額漢故梁相費君之碑碑云梁相諱汎字仲慮此邦之人也其先季文為魯大夫有功相諱汎字仲慮此邦之人也其先季文為魯大夫有功封費因以為姓秦項兵起避地於此遂留家焉碑無建

立年月金石錄

漢故梁相費府君之碑篆額費君汎堂邑令鳳九江太

中政之父也鳳以威宗熹平中卒碑載二子所終之官此蓋其孫均所立也故其銘有穆穆顯祖

費氏父子三碑今並立於吳興校官之壁不知者指此為碑陰趙氏亦有斯誤隸釋

陳孝義寺碑在墨妙亭散騎常侍御史中丞領大著作徐陵撰唐銀青光祿大夫使持節湖州諸

軍事湖州刺史上柱國常侍十代孫嶠之書

唐封崇孔宣父故事碑在湖州府學元和四年刺史辛祕撰

文宣王新廟碑在州學唐太宗間浙江西道觀察支使試祕書省校書郎鄭言撰并書蓋記刺

史令狐綯作廟本末記云西臨雲溪前橫荻塘梁塹為橋編木為柵今甘棠橋文宣王廟是也

德本寺碑在文宣王廟陰胡季良撰

射堂記

在墨妙亭撰人姓名殘缺世傳顏魯公正書大

尤精勁之惟張敬因碑與斯記為

實刻叢編云余家所藏顏

項王廟碑陰述

在墨妙亭顏魯公書自湖

項王蔬食文

在墨妙亭

干祿字書碑二

一在墨妙亭唐朝議大夫沂濠三州

三姪男金紫光祿大夫行湖州刺史上柱國魯郡開國

公真卿書後跋云大歷九年真卿於湖州刺史宅東廳

院書之一碑在魯公祠開成四年真卿於今楊漢公重摹與

地紀勝云顏魯公石所傳惟干祿字書於今者惟公最

其在湖州所書為世所傳惟干祿字書於今者惟公最

見於人家而干祿字書乃楊漢公摹其真本以譌缺遂

不復傳獨余集錄有之惟好古之士能知前人以

用意之深則其湮沈磨滅之餘尤為可惜也

石柱記碑

在墨妙亭顏真卿書記

斷碑二

在墨妙亭一乾元元年郎彤書

晉吳興太守謝公碑

在墨妙亭唐刺史兼侍御史裴清

建於龍興寺即今

之報恩光孝寺

太守歷官記

在墨妙亭晉太守謝公碣之陰唐人所勒

湖州刺史題名記

唐廣德元年十六年補闕內供奉李紆撰後

正元十七年刺史李詞又後

題宋康定元年知州滕宗諒

白蘋洲五亭記

在墨妙亭唐太子少傅分司東都馮翊

事馬繼書開成四年

十月建又見金石錄

白蘋亭記

在墨妙亭唐殿中侍御史內供奉李直方撰

年夏節度判官侍御

史王澹獲覽此作

白蘋洲記

在州大廳壁中和五年六月八日刺史

修河漚記

在州治寶文閣直學士程大昌撰敷文閣待

三月建

湖州紀功碑

在甲仗庫唐元和中將仕郎前太常寺奉禮郎時元佐撰蓋紀刺史辛祕平賊臣李

錡之黨也

大寧寺建功德碑

在報恩光孝寺試大理評事兼武康縣令韓章撰前衢州龍邱縣尉徐浩

書唐大歷六年建

袁高茶山述

在墨妙亭唐朝議大夫使持節湖州諸事守湖州刺史上柱國徐濤書蓋述刺史袁高所

朝議郎前滁州長史

寶刻叢編唐湖州刺史袁高撰前滁州長史徐濤書湖州之顧渚山歲備茶貢高為刺史感其

采製之勤而作是詩其後于頔為刺史得之於壞垣為

之序而刻之真元七年五月

烏程令韋公德政碑

在烏程縣治唐至德二年沈務本撰沈仲昌書文多漫滅宋嘉祐中

知州楊紘摹題額九字刻石今在墨妙亭

沈府君墓銘

在墨妙亭諱縉字章甫乾元元年京兆章卓撰并書

胡夫人墓銘

在墨妙亭大中十二年鄉貢進士李翊述并書

吳氏墓銘

在墨妙亭太和九年吳季良書

金氏墓銘

在墨妙亭大中十二年鄉貢進士李翊述并書

湖州州學記

碑在州學慶歷中張方平撰蔡襄書

修架閣樓記

碑在樓下元祐七年左承議郎簽書節度判官廳壁記

宣德軍節度判官廳壁記

天聖八年朝奉郎大理司直監察御史節度判官張侁撰

吳興倅廳題名記

嘉祐六年祕書省祕書郎通判軍州章衡撰

銷暑樓記碑

在樓南宋朝元祐五年呂昇卿撰并書

浮玉亭記

在亭中天聖四年承事郎太常寺奉禮郎簽書

國子博士知安吉縣事尹希古書

迎春橋記

在今駱駝橋下大中祥符五年將仕郎守大理評事通判軍州胥偃撰

儀鳳橋記

在橋上天聖三年承奉郎守太常寺奉禮郎簽書宣德軍節度判官廳公事鄭戩撰

廳梁題字記

元祐二年林希題在郡治

修造倉庫橋梁記

治平二年徐仲謀撰在郡治

會景樓記

治平二年徐仲謀撰在郡治

秦篆嶧山記

在墨妙亭慶歷戊子摹刻參知政事宋庠跋

寶章法帖一部

在墨妙亭元祐中劉燾被旨摹刻

梁太守柳惲并寇準江南曲

在墨妙亭至和二年刻

唐太守楊漢公杜牧詩

在墨妙亭天聖四年王秩刻

張逸碧瀾堂陳堯佐芳菲園詩

在墨妙亭天聖九年凌景陽八分書

東坡六客詞

在墨妙亭元祐六年撰

東坡墨妙亭記

紹興丁卯蔣燦書重刻

陳吏部修城記

在墨妙亭紹興十年陳之茂撰

舞綃堂記

在墨妙亭乾道八年齊慶會撰

書記廳集虛堂記

元豐三年將仕郎試校書郎權掌書記陳師錫撰

重修開元觀碑

在今天慶觀淳化四年登仕郎國子博士知婺州事刁衍撰

吳興靈鶴贊

在天慶觀唐白居易之作也宋朝雍熙四年知州事鄭建為之序始刻石焉

三住銘

在天慶觀唐施肩吾撰宋慶歷四年左著作郎葉綱書

廣化寺嚴華一分塔銘

碑在寺慶歷二年宣德郎守太常博士集賢校理知州軍事胡

廣化寺瑞閣記

碑在寺政和五年續葉夢得撰并書信安程俱題額

顏魯公祠堂記

在廟中嘉祐七年尚書屯田員外郎知州事張田撰

郭尚書廟記在廟中端拱元年太常博士權知州事鄭建撰

曹王廟記在廟中

靈濟王廟記在廟中

通靈王廟記在廟中

項王廟記在廟中

貢院記在貢院中

商稅務記在務內以上六記年月撰書人名氏各見逐處下

石曼卿經史閣三字在州學

石曼卿敕建州學四字在州學

劉燾稽古閣三字在州學

重建學田記在州學顧臨撰大觀元年重刻

重繪三禮圖記在州學紹興中劉一止撰關注書

米元章魯公仙傳在魯公堂元祐三年立

程舍人魯公堂懷忠堂記在魯公堂隆興元年立

王狀元魯公堂三詩在魯公堂乾道四年立

趙直閣祠堂記在魯公堂乾道中江都仲并撰唐琢立

東坡先生祠堂記在魯公堂濼熙八年蕭德藻撰胡南逢立

烏程縣

唐大光和尙神異碑在法華寺乾寧中丞相李紳撰見舊經

唐大光和尙道蹟碑在法華寺祕書郎陳文在撰見舊經

唐丞相李紳墓碑在裏山乾寧三年立見舊經

唐吳興邱氏墓碑在縣西雪水鄉麻谷元和四年立見舊編

唐古山索靖廟碑在本廟以後

吳越回文綬帶連環詩碑在法華寺鎮國軍節度使錢惟治作九十首

宋道場山千聖殿碑在本寺太平興國三年安德軍安撫使知湖州錢信記

瑞現禪院大聖碑在喜宥院端拱二年

西余山弄雪亭碑在大覺寺慶

何山定化院碑在本院熙寧八年朱臨記

卞山龍王廟碑在本廟熙寧六年朱臨記

何氏讀書堂碑在何山寺汪藻記

葛仙翁祠堂碑在普照院葛立方記

真武畫像碑在佑聖宮丞相沈該贊

歸安縣

唐重置興國寺碑在無為寺見舊編

唐永興寺僧伽和尚碑在鹿苑寺元和九年十月二日立前左武衛兵曹參軍裴述撰費

濤書胡季良篆額和尚姓何

唐永興寺冥道記在鹿苑寺咸通四年沙門簡章述并書

縣令戴公生祠記在鹿苑寺鄉貢進士張先述

唐東林土地廟記

南園記碑南園在郡定安門內橫塘隸本縣界向來沮塘有為司農卿時卜宅於其傍開拓廣號曰南園臺閣亭榭四時花卉俱富為諸園冠慶元二年煥章閣學士洪邁為之記

長興縣

陳周宏正報德寺碑在大雄寺內

陳徐陵撰報德寺塔銘在大雄寺子院

唐沙門靈皎城山寺碑在慈氏院

唐沙門清晝魚陂明禪師塔銘在空院

晉謝太傅塘碑舊在謝公鄉至唐天寶盜起碑刻不存而書其陰今碑尚在大歷中刺史顏真卿取舊史遺文刊石

宋朝縣令新廳事碑在縣

縣令許祕丞長興利便事碑在縣

墓田碑大觀三年立

杜槩長興雜詠子希為郡守刻字墨妙亭

修謝太傅廟碑治平四年知縣吳濤作在本廟

武康縣

唐大慈寺鐘記在本寺唐縣令韓章撰

吳越大安禪寺佛殿記在本寺

吳越風山靈德王廟記在本寺

宋重建縣學記在縣學淳熙十五年郡人蕭德藻作

敕賜淵應廟碑在本廟建中靖國間毛滂作

德清縣

梁沈氏述祖德碑按顏魯公集南齊徵士沈麟士製立於金鵝山歲久殘闕乾元中為盜火

所焚碑首毀裂欽然將墮過江二十葉孫御史中丞震

移牒郡國請葺屬兵凶曠而莫修忽有仆樹生於龜腹

盤根抱趾聳榦夾碑疑如工造鬱若神化欵者復正危

者再堅號慶樹碑其後碑刻石記其事云以顏集補其

書其陰元祐中太守林希刻十字舊碑今不知所在林

關凡百有十四字不可補者十字舊碑今不知所在林

公石刻在

墨妙亭

大唐興禪寺碑

舊二板六字字皆徑三尺體勢壯逸相傳燕公張說書寺在德清三市鎮今號

覺海故令陳之方愛此字龕於乾元寺壁開元祐三年取置墨妙亭之東楹書板不存今止有臨本小字石刻

唐李諒靈泉記

景祐四年縣令竇充重刻

羅漢禪院記

在明因院

八聖寺記

在本寺

重修至聖文宣王廟碑

在縣學

重修孔子廟碑

法鑒講師塔銘

在覺海寺

葛清孝公仙潭雜詠碑

在墨妙亭

重修縣宇記

在縣小廳

趙知縣生祠記

在乾元寺

唐大慈寺鐘記

在本寺唐縣令韓章撰

吳越大安禪寺佛殿記

在本寺

安吉縣

唐施明侯記

在本廟

歷年圖碑書錦堂碑

並在縣學韓磊刻

食用故事

酒 顧長生三吳土地記云烏程縣舊有程林氏烏巾

氏秦時三家能釀美酒遂名縣漢梁孝王兔園會招鄒

枚司馬之徒賦烏鄉酒故張景陽七命云酒則荆南烏

程注荆溪之南非江陵之荆南也按吳興有荆溪源出

荆山舊編云卽此溪也又白居易有錢湖州寄箬下酒

詩云勞將箬下忘憂物寄與江城愛酒翁按長興有上
箬有下箬溪輿地志夾岸悉生箭箬南岸曰上箬北岸
曰下箬釀酒醇美俗稱下箬酒韋昭吳興錄云烏程箬
下酒有名吳興記云上箬下箬村並出美酒劉夢得詩
云鸚鵡杯中箬下春藝苑雌黃云說者以荆南爲荆州
非也卽烏程荆溪之南耳漁隱叢話曰藝苑雌黃以箬
下酒爲烏程酒誤矣

茶 陸羽茶經曰浙西以湖州上常州次湖州生長興
縣顧渚山中常州義興縣生君山懸腳嶺北峰下唐義
興縣重修茶舍記云義興貢茶非舊也前此故御史大
夫李栖筠典是邦僧有獻佳茗者會客嘗之野人陸羽

以爲芬香甘辣冠於他境可薦於上栖筠從之始進萬
兩此其濫觴也厥後因之徵獻浸廣遂爲任土之貢故
玉川子詩云天子頃嘗陽羨茶百草不敢先開花舊編
云顧渚與宜興接唐代宗以其歲造數多遂命長興均
貢自大歷五年始分山析造歲有客額鬻有禁令諸鄉
茶芽置焙於顧渚以刺史主之觀察使總之裴文茶錄
云顧渚蘄陽蒙山最上其次壽州陽羨李肇國史補云
蒙頂第一顧渚第二宜興第三郡國志云顧渚中者與
夾州同生桑孺獅二隄白苧山懸腳嶺者與襄荆申三
州同生鳳亭山伏翼澗飛雲曲水二寺青峴啄木二嶺
與壽州同貞元五年置合溪焙喬衝焙歲貢凡五等第

一陸遞限清明到京謂之急程茶張文規有詩云牡丹
花笑金鈿動傳奏吳興紫筍來李郢詩曰十日王程路
四千到時須及清明宴其餘並水路進限以四月到貞
元初刺史袁高茶山詩曰黎毗輕耕農采掇實苦辛一
夫且當役盡室皆同臻捫葛上欹壁蓬頭入荒榛終朝
不盈掬手足皆鱗皴悲嗟遍空山草木爲不春陰嶺芽
未吐使曹牒已頻可見當時之害民亦不少又與毘陵
交界爭耀先期或詭出柳車或宵馳傳驛爭先萬里以
要一時之澤貞元八年刺史于頔始貽書毘陵請各緩
數日俾遂滋長開成三年刺史楊漢公表奏乞於舊限
特展三五日敕從之先是兩州析造時供進五百串稍

加至二千串會昌中至一萬八千四百斤每造茶時兩
州刺史親至其處故白居易有詩曰盤上中分兩州界
燈前合作一家春青娥遞舞應爭妙紫筍齊嘗各鬪新
統記云長興有貢茶院在虎頭巖後曰顧渚右所射而
左懸曰或耕爲園或伐爲炭惟官山獨深秀舊於顧渚
源建草舍三十餘間自大歷五年至正元十六年於此
造茶急程遞進取清明到京袁高于頔李吉甫各有述
至貞元十七年刺史李詞以院宇隘陋造寺一所移武
康吉祥額置焉以東廊三十間爲貢茶院兩行置茶碓
又焙百餘所工匠千餘人引顧渚泉互其間烹蒸滌濯
皆用之非此水不能製也刺史常以立春後四十五日

入山暨穀兩還

鹽 郡去海遠土不產鹽舊人戶計口納丁鹽錢計四萬三百三十貫有奇歲給鹽一萬四千五百餘石續圖經云今不給鹽錢又捐折

飯 舊圖經云稻米有名十里香師姑杭炊飯以師姑杭一斗雜以十里香一升自是芬香發越

烏飯 統記云夏至日以南燭草染糯作烏飯僧道尤高此食南燭草卽今黑飯葉也今俗四月八日造以供佛因相饋送

鱸 吳興記云唐昭德操刀運砧翼從風隨紅綜素縷紛紛霏霏好事者嘲之曰鱸若值吳縷細花鋪若非遇

吳費醋及葫江東呼蒜曰葫蘇東坡云吳興庖人斫松江鱸膾亦足以一笑鄉土以膾爲盛饌每遇上客新姻慶賀燕集必設此盤釘羅列更無別味膾匠十數爲曹凌晨立魚肆視所買多寡而往裁紅縷白鋪成花草鸞鳳或詩句詞章殊得其妙造齋亦甚得法所謂金齋玉膾又有骨淡羹每斫膾悉以骨熬羹味極淡薄自有真味食膾已各一杯本草謂凡物腦能消肉正以食之必多用此羹也長興所造尤薄僅如蟬翼他處所不及魚羹 吳興記云平望車溪出美魚諺云曲阿不食平望不羹爲失味今鄉間魚肥而鮮爲羹甚美不特車谿也

鮓 唐張文規郡齋書情云食有吳興鮓蔡寬夫詩話云吳中作鮓多就谿池中蓮葉包爲之後數日取食此瓶中者氣味特妙白居易詩曰就荷葉上包魚鮓當石渠中浸酒尊昔人已有此法鄉閒取大魚切作片用礪米屑荷葉三數重包之謂之荷包可以致遠非就荷上作也閒用精肉旋鮓就池荷包裹數刻可供蓋荷葉性惡肥膩多作能害荷

水菜 舊編云合溪蘆菹極脆美水亦甘潔土人就以水滌漬入鹽爲水菜甚有名壩置以饋送

蒸嘗菜 統記云土人以蘋爲蒸嘗菜

酥 俗稱烏戊乳酥最佳又爲花果魚鳥之屬以爲盤

釘之華可用寄遠大抵鄉閒畜牛之家例能爲酥及乳

漆器 安吉長興武康山多漆市行漆器舊頗有名元

豐閒嘗供三十事今器不迨昔不充貢

陶器 括地志云德清市亭山陶器大甕容三十石小

者二十石名之曰礪餘處無此大器也

銅鏡 大寧寺有章后鏡一面郡舊有銅甗工人鑄造

得訣小大方員照鑿若一官禁銅鏡漸難得工價廉器

亦不迨昔

沙盆 山谿沙有細者貞元十五年進沙盆一百枚

魚脯 舊編儀鳳橋南有魚脯樓吳越錢氏於此曝魚

脯修貢上國今鄉土魚脯甚美春月尤多作以供盤釘

事物雜誌

州治

聖火 南史紀齊永明十一年有沙門賈赤火以療疾
貴賤爭取之多得其驗都下咸曰聖火詔禁之不止火
灸至七炷而疾愈吳興正國賓密以還鄉邑人楊道慶
虛疾二十年依法灸即瘥

潮 吳均吳興假還山夜發南亭詩曰浮舟聽潮上李
宗諤圖經云荆谿至吳山下每日潮高二尺倒流七十
里云是吳王送女潮今攷吳江太湖俱無潮不知荆谿
之潮何道而至今無之

香 卞山在湖州山下有無價香有老母拾得一大石

光彩可玩偶墜火中異香聞於遠近收而寶之每投火
中異香如初出洪荔香後譜云人人俱一語出於此
歌舞 于競大唐傳云德清縣西前溪邨則南朝集樂
之處今尚有數百家習音樂江南聲妓多自此出所謂
舞出前溪也復齋漫錄云陳劉刪詩云山邊歌落日池
上舞前溪唐崔灝詩云舞愛前溪妙歌憐子夜長按古
今樂錄晉車騎將軍沈作前溪歌而非舞也蓋復齋不
曾見于競大唐舞出處耳
水嬉 統記清明日繞彩舟於溪上為競渡之戲謂宜
田蠶按藝苑雌黃云南方競渡治其舟使輕利謂之飛
鳧又曰水車又曰水馬相傳以為始於越王句踐蓋斷

髮文身之俗習水而好戰古有其風而荆楚歲時記則曰五月五日爲屈原投汨羅人傷其死並將舟楫拯之至今爲俗鄉土止是寒食日爲之至清明日止又古集載太和末杜牧自御史出佐沈傳師宣城幕聞湖州爲湖西名郡風物妍好且多麗色往遊之刺史崔君喻其意悉致籍妓牧殊不愜牧曰願得張水嬉使州人畢觀俟其雲合冀忽有閱史君如其言至暮兩岸觀者如堵云云

舟楫郡爲澤國動須舟楫之利大者至數百千斛輕檻華麗率用撐駕小者僅進三五人人用一楫出沒波濤最爲輕快舊編云安吉水多湍瀨舟皆剝木爲之有太古制長興之舟皆短後又有販鮮魚小舟不及百斛用四五櫓者頃年過客及郡官和顧舟船率下兩邑吏或攔捉民間船隻應副而航戶計囑牙僧避免慶元中知州事李景和括責在城應管航船載戶將張二等共一百八十五隻置籍在官遇有差顧照籍以次輪差行之年餘尙未差遍旣得均當且免逐時攔捉搔擾

鐘 詩眼云南史載王仲孚烏程人少好學讀書常以中宵鐘鳴爲限又阮景仲爲吳興太守禁半夜鐘唐詩有姑蘇城外寒山寺夜半鐘聲到客船半夜鐘吳中舊事也今鄉中諸寺至四更五點皆鳴鐘鐘聲絕則轉五更未知此卽中宵鐘否也

吳歌 唐劉禹錫竹枝歌云楊柳青青江水平聞郎江
上唱歌聲東邊日出西邊雨道是無情也有情苕溪漁
隱曰余嘗舟行苕溪夜聞人唱吳歌歌中有此後兩句
餘雜以俚語今之舟人樵子往往能歌俗謂之山歌卽
吳歌也

畫 舊編云光孝寺山門後壁有唐人所畫佛像有神
人臂鷹者毛羽雖皴剝至今樑棟閒鳥雀不敢集又大
中祥符寺佛殿後壁有畫水一堵望之洶湧真名筆也
又統記云張僧繇爲吳興太守畫白塔寺彌勒佛菩薩
像世稱奇妙

玄真子 唐書張志和字子同金華人明經擢第不願
仕游江湖自稱煙波釣徒又自號玄真子顏真卿爲湖
州刺史志和來謁真卿以舟敝請更之志和曰願爲浮
家泛宅往來苕霅閒有漁父詞五首其三曰霅溪灣裏
釣魚翁舴艋爲家西復東江上雪浦邊風笑著荷衣不
歎窮

桑苳翁 唐陸羽字鴻漸初隱居苳山自稱桑苳翁撰
茶經三卷常時閉戶著書或獨行野中誦詩擊水徘徊
不得意或慟哭而歸時人謂今之接輿
陸魯望 唐陸龜蒙字魯望少高放通六經大義尤明
春秋舉進士一不中來湖州從刺史張搏游搏辟以自
佐又嗜茶置園顧渚山下歲取茶租自判品第

裴子野 梁裴子野本河東人寓居湖州之故鄣著宋略在縣治西南三十六里永昌鄉

張東遷 宋張岱辟州從事累遷東遷令時殷仲爲吳興太守謂人曰張東遷親貧須養所以棲遲下邑然名器方顯終當大至後爲司徒佐西曹掾母年八十注籍未滿岱便去官從實還養

吳興八絕 統記云吳範善歷數知風氣劉惇善星文趙達能算嚴武善圍棋宋壽能占夢皇象能書曹不興善畫菰城夏姬善相謂之吳興八絕徐陵烏程孝義寺碑曰八絕之技依然是也

吳興三絕 刺史張文規詩曰蘋洲頓覺池沼俗苕布

直勝羅綺輕清風樓下草初出明月峽中茶始生吳興三絕不可捨勸子強爲吳會行

吳音不變 宋邱深之吳興烏程人位侍中都官尙書宋世江東貴達者會稽孔季恭子靈符吳郡顧琛及深之吳音不變

張纘一盃酒 吳興吳規張纘一盃酒殺吳氏三人出南史纘傳

吳興僕射 沈文季梁延興中爲尙書右僕射尙書令王晏嘗戲爲吳興僕射

吳興郡公 姓氏錄梁姚宣業爲吳興郡公

吳興別駕 統記云宋吳興別駕沈懷文

吳興祭酒 統記云宋齊祭酒孟景翼

湖州文學 楊國忠會諸親時知吏部銓事欲大噓呼

選人名引入中庭不問資序短小者補州參軍胡者與

湖州文學簾中大笑出韋絢述劉禹錫佳話

吳興郡疏 宋吳興太守王韶之撰一卷

吳興雜詠 唐志張文規作七卷

吳興記 山謙之作見酒下

吳興錄 韋昭作見酒類下

吳興山墟名 張玄之作見統記援引不一又云晉吳

興太守王韶之撰吳興山墟名二卷

三吳土地記 顧長生作

吳興志 陸羽作見陸羽集

吳興統記 景德中湖州攝長史左文質纂十卷

吳興詩集 熙寧中知州事孫覺哀次為三卷自晉至

唐凡二百首

武康土地記 唐福州侯官尉沈常撰一卷

餘英志 慶元中鄉貢進士劉瞳撰二卷

吳興續圖經 紹興中教授同郡官編

吳興志舊編 淳熙中教授周世南同學職分十二卷

烏程縣

下菰城 在縣南二十五里吳興記云春申君黃歇於

菰城縣起樓連延十里西接黃浦吳錄云吳時鄭姬善

相居此餘見郡志菰城下

古卜城 統記云在縣西南六十里宋略云龍驤將軍

益州刺史卜天興所築因以爲名

古戶城 統記云在縣西十九里吳孫皓時置文皇帝

陵戶二百家城於此

邛城 舊編云在縣北十八里近太湖漢邛氏所居也

吳越錢氏嘗築城屯戍以拒南唐城今尚存紹興間亦嘗牧馬

鳩茲城 顏真卿石柱記有春秋鳩茲城

避宅城 在烏程縣杼山見本寺碑

歐陽亭 舊編云在縣東十六里地里志云烏程東有

歐陽亭以其亭在歐山之陽也

烏亭 舊經云在昇山羲之所造以烏巾氏所居今廢

顯亭五花亭 顏真卿石柱記云顯峴山上有顯亭五

花亭顯亭晉殷康造五花亭唐韋景先造見舊編

毘山亭 舊經云在毘山梁太守柳惲所創惲與郡主

簿吳均有毘山詩贈答

三癸亭 在杼山碑云三癸亭顏真卿造處士陸羽以

其建於癸年癸月癸日故名真卿與李萼陸羽僧皎然

皆有賦杼山三癸亭詩

伍子胥宅 舊編云在縣東南六十里伍林村昔子胥

逃難築室於此舊基尚存

正路 舊經云在縣南七里昔鄉人正傑年十三鄰人胡氏築牆侵界傑乃夜移籬退三尺胡氏慚復退二尺遂成大路至今爲謂正路

項王走馬埒 山墟名云卞山有項王走馬埒飲馬池山上又有項王繫馬木石閒又有項王馬跡也

仙人頂 舊編云在縣西二十里棲賢村山上有石洞舊傳有仙人居此故名仙人頂或傳齊田常之亂管仲之後逃難入吳楚有居此者今山多管氏然不見書傳也

三碑 舊編云昔有漢三費碑在其鄉因以名其鄉今移在烏程縣墨妙亭按統記云顧祕虞潭謝安三碑在

郡南道西徐陵孝義寺碑云三碑之風可仰蓋顧祕虞潭謝安皆爲郡守事必有證

石簣 輿地志在烏程縣有卞山山之東足有一石簣高數丈殷康欲開風雨晦暝而止

石罇 在烏程縣峴山唐開元中李適之爲湖州別駕每視事之餘攜所親登山恣飲望帝鄉時有一醉後適之爲相土人因呼爲李相石罇大歷中刺史顏真卿及門生弟姪多攜壺榼楫以浮乃作故李相石罇晏集聯句詩序云因積溜淥石嵌爲罇形公注酒其中結字環飲之首句云李公登飲處因石爲窪罇見吳興詩序金井玉澗乳竇石膏溫泉 顏真卿石柱記云卞山上

有龜洞金井玉澗乳寶石膏溫泉舊編今大玲瓏山朱
氏所居有水名玉澗
蒲帆 楊漢公開塘得蒲帆因名其塘
烏程侯 吳志孫皓封烏程侯晉史書周玘封烏程侯
烏程公 晉書周玘封烏程公
石林 在烏程縣卞山大陽陽尚書左丞葉夢得所居
也有居一區旁曰石林精舍其正堂曰兼山析廡各為
軒曰負日日躋雲前有池以聚眾流曰碧琳有東西兩
巖其東有二亭曰巖居曰真意又東有堂曰承詔堂後
有石環立最為殊勝上有亭據險以望太湖曰知止其
西有菴曰淨樂有堂在精舍之前曰求志有堂在西山

之下曰從好

隱安 在烏程縣菁山前太守葛勝仲之別業也外有
溪澗澄澈清泚嘗與釋子贊能流觴其上以蜜漿代酒
酥代肴賦詩為樂見丹陽集

夢馬堂 朱勝非紹興四年四月二日其母魯國太夫
人楊氏卒勝非扶護卜地於吳興華嚴山嘉會寺前夢
夜十騎入山衣服錦繡鞍勒鮮華回旋寺前以一馬繫
於林中餘復馳去次夕又夢有衣冠之士容狀甚偉跣
其二足入寺厲聲言我來定地寺有寄居石大順秀才
亦夢之因請於朝以嘉會為墳寺改號崇因薦福依北
方墓法作大塚塚前起獻堂以夢馬名之

松蒲落處卽是穴 內翰葉清臣欲葬其母永安太君
夢有謝秀才來謁云松蒲落處卽是穴翌日至倪陽適
有松蒲墮其前遂卜地於此還至王村見廟像恍如夢
中
朱長馬作粥散貧民 蘇朱服之祖爲湖州長馬慶歷庚
寅會歲饑以米八百斛作粥散貧民是歲其子臨生服
後遂顯貴詳見主學王定國三槐錄

歸安縣

千金墟 舊編載統記云漢吳王濞鑄錢於銅峴山置
府庫於此故名千金墟興國寺碑云晉王衍嘗居之
泛金溪 獅子吼寺碑云本泛金而爲號人駕鶴以曾

游今其村水號泛金溪云

仙潭 見上葛清孝公有仙潭雜詩刻在墨妙亭

火爐頂 舊編云在東林山上回仙錄云葛洪嘗煉丹
於此昔人曾開巖頂得葶炭數斛內有雙陶合牢不可
啟擊破視之無物山下有煉丹九井尙存山之東有谿

曰仙谿谿口有龜澤鳳澤

錦墟 舊編云在上絕山吳興記云山有花卉村多海
棠薔薇紅躑躅朱藤二三月花發名爲錦墟舊編又載
章浦在縣東百二十五里今不在縣界

長興縣

晏子城 在縣西南百二十里晏子鄉吳地志云齊晏

子娶吳王女築此城

舊編云今耕者每得黃金狀類四角菱花焰燦燦名晏子金有客題

詩云豚肩不掩豆一裘三十年身後黃金出其然不其然

吳夫槩城

即今縣郭也跨箬水之深據戍山之險狹

而且長故曰長城舊編云義集之士百十為羣時號大

義軍故長城今名大義村

上槩村

在吳山東南即夫槩故名

故長城縣城

地志云在縣東南一十八里晉太康中

分烏程置長城縣於富陂村即其地也至成帝咸康中

始徙箬谿北

故鄣城

在縣西南一百二十里吳地志云秦滅楚置

鄣郡於此舊編云今攷自西漢初郡廢立故鄣縣置至

唐省入長城太平寰宇記云俗號府頭是也今與安吉

谿鎮北相接屬長興管下其地皆成良田尺磚寸瓦無

子遺圖經云秦置鄣郡漢吳王濞反後郡廢為故鄣縣

晉以後縣亦廢今名故鄣城

後府城

在縣西南一百九十里吳地志云吳文帝所

築圖經云太子和築

九里城

在縣西南九十里

四安府

在縣西南六十九里隋大業九年置為鷹揚

府續以四安山為名

東林城

在縣西南四十八里

西林城

在縣西南四十八里接東林二城悉吳時築

今廢圖經云皆在西南四十八里

城山城 在縣南五十里吳地志云是時嚴白虎與呂蒙相拒於此

大騎城小騎城 皆在縣西百二十里吳地志云吳王濞築爲馬廐

朱城 在縣東南二十五里輿地志云昔烏程侯嚴白虎遣女壻朱叔廉來築故名

長城宮 在縣西二里陳文帝天嘉元年置今大寧寺後已上見統記諸書

慶亭 在縣西北懸腳嶺下吳孫權建安二十三年嘗擒虎於此唐初沈法興使其將蔣元超與李子通戰於

慶亭卽此寶萃唐書音訓云慶亭在吳興

臥冰池 在縣西南六十里方廣十餘丈舊編云故老相傳以爲王祥臥冰之所其石刻沒於水旱歲或見

陸滙 在縣東三里唐陸龜蒙別業在焉陸龜蒙居吳江在吳東別業在陸滙卽湖西有震澤別業在詩三十首今旁近居民皆陸姓

玉竇泉 在落陽深廣皆二尺色紺碧味甘唐處士鄭遨與道士李道殷羅隱築室於泉口號三隱紹興中侍郎錢伯言有碑

三仙石壁 在落陽五代時高士韓必吳崧有道能煉金丹錢王遣羅隱招之二人隱入石壁中

白石洞天 在八座山側唐仙韓湘隱於此山有二井深不可測陰則有雲霧自中起舊編云舊傳與張公洞相通

釣臺 在縣西北三十里石壁兀然如屏高五十餘丈陳高祖微時垂釣之處其頂平夷有池號陳高祖磨劍池池下有驚湍前有彈子隴相傳陳高祖垂釣時飛彈於此

石麒麟 在縣治西二百步大雄寺南陳始興昭烈王明陵前高九尺傍有號麒麟巷

聖井 在縣東廣惠院有五井其一晉永嘉中陳氏遠祖所穿高祖初生井泉湧出家人汲以浴之今謂之聖

井餘四井亦陳時所鑿

陳文帝四鼎 在大雄寺

陳高祖竹牀竹帳 在大雄寺殿內

陳五主真容屏風 在大雄寺大著作徐陸所畫舊編

云四鼎竹牀竹帳屏風會昌中寺廢皆散失

陳朝檜 在大雄寺殿前檜中空裂為四枝蔭半庭堅

如金石相傳陳高祖手植號陳朝檜內翰汪藻文康公

葛勝仲皆有詩詠

下箬酒顧渚茶

吳王送女潮

梓材巾箱

並見郡志

石鼓 夏駕山一名石鼓山有石鼓高一丈徑三尺下有盤石爲足諺云石鼓鳴則三吳有兵括地志云石鼓作金鼓鳴亦魏郡雲陽石鼓之類吳興志云五行志並說

崔祐前銘

崔植銘

崔趙村 在菴畫溪之後右崔卽唐相祐甫之後家藏韓愈所作祐甫墓銘雖蟬腐而翰墨精采如新又藏崔植崔逖等誥數軸吏部尙書顏真卿吏部侍郎說尙書上柱國邕知制誥李揆吏部尙書林甫平章事墀筆跡並存其家寶之官爲蠲其丁錢

武康縣

赤眉城 在縣西南三里石城山山下漢赤眉入寇築城此地邑人保山之上形勢便利城保山腳失利之地大則敗而走舊編云山頂有五馬堂 曹至嘉二年太尉牙門城 在縣北五里鳳凰山梁侯景寇建業邑人司徒長史牙門將軍沈子春令宗族築城於此因以爲名餘英志云二城今皆爲桑柘地

金井 在縣東北十五里梁沈傳以孝行聞嘗夢人遺金旣覺因濬井得銅瓶中有金五十兩卽此井舊編神鐘 大慈寺有神鐘記唐縣令韓章撰云大歷五年僧神晤欲爲寺緣化鑄鐘忽聞空中鐘聲徹數十里遠近驚聞及鐘成聲與向所聞無異後事達於朝命輦至

關中至敢山谿舟沒沈水取不復得

美人石 見阮公谿下

虎跑泉 見護國禪院下

連理石榴 統記載祥應圖云齊永明元年吳興武康

沈榮家有石榴連理太守楊文崇聞奏

德清縣

前谿 在縣南有前谿坊後谿坊按于競大唐傳德清

縣前谿村則南朝集樂之處見郡志雜志上歌舞門

將軍城 在縣南二百里吳憾山上唐至德二年太尉

李光弼偏將軍辛牧所築平朱覃姚廷等賊

陸市 在縣南十五里舊為市一夕平沉居人遂徙而

東去所謂新市也陸市今為谿港下有階基礎石甚多

水淺天晴歷歷可見舟過竹篙着底磚石相擊有聲人

或得錢鐵陶瓦之器今有巡檢廳

敢山谿鐘 在縣東唐天寶中有僧神晤在武康寶相

寺鑄鐘即今大慈寺是夕有星臨照鐘聲中律呂朝廷

聞之遣人求取載至敢山谿鐘沉水每遇大旱水涸或

聞鐘聲武康大慈寺有唐碑載其事

孝鵝冢 在縣東蔣灣唐天寶中邑人武義主簿沈朝

家一母鵝將死其雛悲鳴不復飲食母鵝死雛銜敗薦

以覆之又銜芻草若祭之之狀向天號叫遂死其旁沈

氏函二鵝葬於此後人呼為孝鵝冢

言元十六
盧發源之父能吟詠 宋朝盧發源之父正議德清人
有詩云青衫白髮老參軍旋糶黃梁買酒樽但得有錢
留客醉全勝騎馬傍人門又有一詩云十月都門風薄
衣夜砧聲裏雁南飛野人不羨長安樂且趁鱸魚一飽
歸見姚氏殘語

他日當能振辯才家風 宋朝僧若愚字谷老姓馬少
於覺海寺出家後從參寥從龍口辯才傳教俱有詩名
東坡見師詩許之曰他日當能振辯才家風惟嫉惡嘗
與妖僧訟於朝妖僧竟抵罪有詩文一集號餘塵編

安吉縣

孔子井 在安吉縣西南一百三十里俗傳云孔子游

此鑿井而飲按史記世家孔子未嘗游吳此并未詳所
自

邸閣山 三國時用兵聚糧皆至邸閣猶轉般倉吳都
金陵故爲邸閣於此今俗書爲邸角字隨音轉爾

王祥宅 在梅谿瑞竹里

隱隴 太平寰宇記梁陶貞白嘗隱居於此

陳高祖爲舟木 在安吉縣梅谿之曲

花渚 梅谿鎮西吳越征西將軍吳環之所居其後裔
可幾知幾作堂其中號二吳讀書堂長興令林槩有詩
刻其內

銀坊 在移風鄉古采銀之處以上見舊編

蛟龍池 在安吉縣

翔鳳林 在安吉縣

裴子野故宅 梁書裴子野本河東人寓居吳興之故鄣著諸侯略其宅在故鄣縣西南三十六里永昌鄉長興有至德鄉舊名永昌鄉或恐未必然

周弘讓故宅 卽弘政之弟也弘政爲安吉縣令乃居山結宇耽玩文史其宅在縣西南三十六里永昌鄉姚萇塵尾扇鐵樓書鎮 曇諦法師石磬

兩生墳 在縣北三十里釋曇諦姓康氏前生爲崇覺法師與姚萇講法華經後生爲曇諦法師居崑山寺前後兩生均葬於此高僧傳云曇諦年十歲隨父彤將之樊鄧路逢僧碧諦呼曰碧碧曰童子呼吾諦曰汝不以吾爲弟子時采菜被猪傷手碧驚問其父父曰其母初夢一僧寄塵尾扇鐵樓書鎮旣覺二物俱在因出以示碧碧曰此乃崇覺法師之後身也碧崇覺之弟子與姚萇講法華經碧爲都講論

施世英金鐘 已上見顏魯公石柱記

史家長吐氣噓花 史家長少有道術日遊廛市落魄不羈言人災福往往多應窮冬折枝吐氣吹之須臾生蓓蕾又噓之則花開方臘之亂郡守使人問之以一書附回及開緘大書明年春三月者取去賊滅果方臘被

拾

吳興志卷十八

吳興志卷十九

井

鍊丹井在湖州府天慶觀西

舊編云世傳葛洪於此鍊丹

烏程侯井在烏程縣東北口圓徑一丈六尺即吳孫皓

為烏程侯時井也

見括地志

義井在湖州府四十四所

舊編載處所譙門外東西各

北判西廳北鐵觀音院東開元寺東西各一

醋庫南烏程縣

子巷西各一

獵場巷

東後靈濟廟東西各一

子城東西

并後各一天聖寺南人寺谿東草場巷

天慶觀東

又寺東巷又寺後

飛英寺南龍旂營前歸

安縣西無星橋東又寺後

馬軍營下南廟前西倉前自

龍旗營前以上三十九井在郡西北連下山故泉清而甘歸安縣西以下五井在郡東南地多沮洳故泉或黃或白而味淡亦猶四水合流而濁西南清也並舊編大抵湖雖澤國郡人罕汲谿飲且以土薄易鑿故井皆汲是以義井處處有之

錢氏飲馬井在武康縣北十五里名懷德者舊相傳吳越王錢鏐微時過此飲馬坎中水泉逆流里人因浚治之

石井在武康縣東南石脇山之南巖天欲雨則出雲氣銅井在武康縣西北十五里銅官山麓昔人引藤蔓為綆探之莫窮其底井傍有石燕洞餘英志云燕之隱見以春秋分與巢燕同

温井 在武康縣西南十五里温村水旱無盈涸灌田頃畝甚多

金井在武康縣北十五里里名永仁泉在山巔有古松蔭之色正黃深不見底

莊井在武康縣北五里几山之東旱不枯竭灌田百餘頃

義井在武康縣南十二里黃泉村旱亦不枯
毛公醴泉井在武康縣西北七里招賢山縣令毛滂始見泉出平原色如乳因疏為井

砂井在安吉縣東南 湖州諸邑號山邑者安吉武康也而安吉為之最故其舟皆剡木為之以其水驟長而易退也且多置湖泊及沼沚陂堰之屬以瀦水故其民不一意於農至於育蠶則以多為貴有至數百箔者一

言志十九
在武康縣西一里懷安門外俗呼爲砂井頭

橋梁

湖爲澤國苕霅眾水會於城中浩漾湍急既不可厲揭而涉濟以舟楫遇風朝雨夕谿流瀑漲之際亦有覆溺之懼故成梁之政視他郡尤急郡舊稱三巨橋而舊經統記共載七橋徐仲謀有谿上七橋詩曰羅列全如斗極星是也蓋由餘不前谿等水自定安門入苕水自清源門入二水至江子匯合爲霅谿以出臨湖門跨餘不水有甘棠橋跨苕水有儀鳳橋而駱駝則跨合流之霅水也是謂三巨橋東有運河自迎春門入至駱駝橋南與霅水會又苕水分一港自烏程縣治東之北岸出迎

禧門又霅水分一港自駱駝北之西岸出奉勝門跨運河有望州橋人依橋跨苕水支港有眺谷橋跨霅水支港有楚帝橋通前之三以爲七其前他有前石橋後石橋見唐人碑記望仙橋見統記餘多後人增創者也

駱駝橋在子城東唐初建統記雲弘嗣造舊編因史雲弘嗣垂拱元年刺史按唐刺史題名是年乃鄭體遠題名是李紆等作不應誤若曰垂拱元年則刺史非雲弘嗣若是雲弘嗣則非垂拱年中未知統記以其形穹崇若駱駝背也劉禹錫詩云駱駝橋上蘋風起顏真卿放生池碑云置駱駝橋東橋名

舊矣後改名迎春橋以其直迎春門也宋朝祥符五年知州事刁衍重修後政王膺桐繼營造通判胥偃爲記曰橫互谿上三巨橋迎春其甲也驚湍箭馳列柱櫺比

覆以飛宇約以雕檻得其實矣勝顏真卿書今復舊名

碑尚存見舊編又統記云今改名迎春橋則是興國間已名矣舊經云在南郭門內緣今甘棠橋舊名

東路致誤慶元六年火燔知州事李景和重建

儀鳳橋在湖州府治西南舊編云在州西南苕唐儀鳳

中置舊經云儀鳳二年統記云元年刺史裴元絳造舊

書各據其一未知孰是唐刺史題名又無裴元絳但自顯慶五年韋漳辛後經二十三年為弘道二年方書武

大冲恐其因年號為名也宋朝天聖三年知州事高慎

交重建判官鄭戩記云建自唐室因紀號而名平表數

十尋叢倚百餘柱互於兩谿殊為勝概紹熙三年居民

遺火延燎隨即建造易名紹熙舊橋有畫棟采欄與駱

駝橋華煥相望今純以石

甘棠橋在湖州府治南通靈王廟前自唐有之太中問鄭言作

文宣王新廟碑曰西臨雲谿南橫荻塘梁塹為舊名伏

龍橋亦名東長橋又曰東駱駝橋統記有伏龍橋在州

若伏龍寶安寺今為小景德寺此與橋相對三巨橋一

曰駱駝一曰儀鳳一曰伏龍名亦相類他橋不足稱此

也舊圖經曰東長橋在子城東南雲谿上即舊東駱駝

橋既與今駱駝橋地理差互又李宗諤圖經是朝廷以

郡國志類修本郡上圖志時不祥符中胥偃謂三巨橋

敢以舊名上故曰東長橋也

此其一也後嘗廢壞往來者渡以舟政和中知州事章

援建木橋以其父故相惇嘗守此有遺愛名曰甘棠建

炎末郡人相與率金錢易木以石且築堵於中流析橋

為二南橋高可通大舟北橋平行以便行者慶元六年

知州事李景和重修

人依橋在湖州府續記作在歸安縣治東跨運河舊經云在

東閘元和中刺史辛祕造因貞元中刺史李詞開拓東

郭門置閘門以門內空閑招輯浮客人多依之橋居其

旁因以得名舊跨河起樓三間至今呼為花樓橋

望州橋在湖州府迎春門內亦跨運河視眾橋為高故

名

楚帝橋在湖州府子城北近楚帝廟因以得名楚帝即

項王也陳朝嘗封楚帝橋跨出奉勝門雪谿支港

眺谷橋在湖州府子城西烏程縣治之東向南山谷舉

踵可望橋跨出迎禧門茗谿支港舊經曰望右四橋與

三巨橋共為七橋

前石橋在湖州府天慶觀後唐太和六年郡人徐氏以

德本寺多墊溺遂自前石橋至後石橋以石為路碑刻

文宣王

望仙橋在湖州府子城西三里統記云昔道人馬自然

廢舊云故老相傳橋在白塔巷口有酒肆焉自然時至

賒酒一日醉出囊中藥點鐵器為金以酬酒債已而昇

去人登此橋望右三橋碑記中載因

運河有在湖州府今名倉橋無星橋外

雪谿支港樓在湖州府自楚帝橋外有斜橋崔載華消暑

舊編以廟前楚帝橋舊名奉勝橋

茗谿支港自眺谷橋外獵場橋紅橋縣橋教場

家橋范

南有小支港 馬公橋 韋壇橋 旱瀆橋 舊經歸

東有小支港 蘇家橋 明德橋 曹公橋 魏公橋

北有橫支港 自前石橋後石橋外有八字橋 報本橋

橋西跨子城濠 飛英橋 臨湖橋 外有兩手橋 在駱駝

右諸橋多以居人蕃盛費宇蟬聯隨時於支港創造以

便行旅或里社募緣或巨室自建因處命名本不足記

以舊編所載姑錄之舊有韭谿橋跨韭橋 見統記詳

祐橋在慈感寺渡口今廢 舊編皇祐中造元祐七年知

烏程縣

縣境之橋附城者已載州治舊圖經統記所載二橋曰

韭谿亦當在城曰辛橋 統記云刺史辛祕造舊經云唐

之因以姓為名第云在縣內當時亦不詳處所未詳舊處今以古迹及地書已

志者與通泄谿流係郡利病者列焉

馬賦橋在烏程縣馬賦村辛祕造

黃浦橋在烏程縣寶積寺前宋以前有之鮑昭有黃浦

橋與盛侍郎別詩即此地也 詩云浦橫絕序雲

定安橋在烏程縣南門外紹興十年重建淳熙八年贅

以石

峴山橋在烏程縣定安橋南初郡人贅南塘既畢工而

西山水暴漲建是橋 見舊編右二橋統係定安門接峴

外濠橋 裏濠橋 三里橋 九里橋 西余橋 錢

村橋 昇仙橋 遇仙橋 黃閔橋 舊館橋 旣村
橋 范村橋 祜村橋 魯墟橋 東遷橋 朱墟橋
栗墟橋 潯谿橋 右十八橋係自迎春門至潯谿
一帶官塘通泄谿流入太湖與近湖諸澗脈絡貫通去
處續圖經載清風橋明月橋在潯谿并紹興初建興德
橋濟遠橋通安橋美利橋安利橋在烏程紹聖以來建
舊編增山源橋游仙橋在菁山亦無勅建月日縣境多水
凡村墅皆有橋出於近時勅建若此類者至眾旣無考
證本不足書若悉數之不止踰百蓋修書者一時耳目
見聞謾加說錄耳

長興縣

廣利橋舊號程氏橋在縣南三十步長城門內昔郡有
烏程氏能醞烏氏分派居德清東山此則程林所居也
陵陽橋在縣西二百三十步以其居陳皇后嘉陵南也
回谿橋在縣東南半里以其水回曲故名

熙寧橋在縣東南百八十步熙寧中建

鳳凰橋在縣東南箬谿東五步

許公橋在縣去貢焙五里跨巨澗唐顏真卿修貢嘗與
客步月觴詠橋上宋朝縣令許遵每領客過顧渚重建
此橋因以許名

觀卞橋在縣東陸滙唐陸龜蒙別業也以其詩有最愛
卞峰顏色好晚雲纔散便當門故名采仙橋去茶山五

花橋百步

招橋在下箬里天聖寺前僧皎然嘗與崔子向泛舟其
下統記所載有程氏陵陽回谿三橋續圖經加熙寧凡
四而舊編統記所載許公等橋九所今并錄之

武康縣

千秋橋跨前谿吳黃武元年創建炎初兵火焚毀知縣
曹緯募邑人重建覆之以屋

永安橋在縣西南七里

天寶橋在縣東清移村防風廟北唐天寶中建

右三橋見統記

舊編

豐橋在豫橋東治平二年建

龍尾橋在縣治東北跨後谿因名龍尾

毛滂有解印東歸過龍尾詩在

東堂集

較虎橋在橋西二百步前谿北

餘英志云世傳邑人沈法興勇力過人嘗較虎

於此舊編作搏虎橋載遜齋閑覽云武康多荒有姓朱人能搏虎數為虎所傷號朱虎殘舊傳虎食一人則山神割其耳為一缺朱虎殘一日得一虎之兩耳如鋸齒舊編所援為有證

蔡公橋在縣東北二里新谿口淳熙三年知縣蔡霖建

舊編云慶安橋

豫橋在龍尾橋東治平二年建

高津橋在豐橋東慶元二年建

迎恩橋在縣東一里吳黃武元年創舊名湖橋

舊編云以其水

西南通下渚湖也

乾道八年邑人重建改今名

右四橋載舊編

中鄰橋在縣東二十里

風渚橋在縣東十五里

新寧橋在縣東南十八里

崇仁橋在縣東南二十里

郭林橋在縣北五里郭文往來之地

以上諸橋據餘英志所載是時載在通津者統記止有

永安千秋天寶并市橋凡四而天寶市橋不載於志天

寶特見舊編又有清河橋志云在千秋橋之西餘英館

尼寺元祐間郡人張子野來游樂府有南北山橋通之句

德清縣

通津橋在縣西管一百七十步跨北流水與天寶橋相

近古名代輿橋俗呼曰縣橋宋朝淳熙七年邑人率錢

重建屋宇欄檻雄麗

金堤橋在縣一里後谿發源處

後谿橋在谿東一里後谿上 龜迴橋在縣南三里內

河港口

金鵝橋在縣西一里西亭之側跨北流水今不存

安吉縣

鳳凰橋在安吉縣前

無星橋在縣東門跨大谿之北派 沙井門橋在縣無

星橋北

南門橋在縣跨縣南小河

北門橋在縣北小河

齊雲橋在縣西門上有亭宇

秦公橋在縣西三里有方寺前故相秦檜之父敏學

元豐七年為縣主簿始創此橋

杜坊橋在縣東北二十里

楊子橋在縣北二十里

上昂橋在縣今改名上昇橋

渡堰

安吉縣

縣境陂堰舊有七十二所蓋其地勢高仰近山之田號承天田亦號佛座田謂層層增高灌溉不及也每春夏

霖潦谿澗暴漲隨即湍瀉數日不雨復乾淺矣儲蓄灌

溉全藉陂堰今廢者大半存者二十四所

白龍堰 永昌堰 烏漣堰 斗門堰 黑龍堰 馬頭堰 五

漕堰 青林堰 湖潭堰 響潭堰 飛潭堰 鄭汀

堰 新谿堰 張柵堰 湖塘堰 龍巢堰 東坡堰

劍池堰 豸山堰 烏程堰 青龍堰 銅井堰

趙家堰 瓜枝橋堰

石鼓堰在安吉縣長一十四里闊五十步在縣北一十

七里其水源出天目山可溉田百頃百姓受其利堰邊

有巖似鼓故因以名之唐聖歷元年縣令鉗耳知命造

陂

長興縣

富陂在長興縣東二十五里晉武帝太康三年分烏程西鄉立長城縣在富陂村即此百餘里受其休賦魚陂在長興縣南七十五里吳夫繁養魚之所北一十

塘

荻塘在湖州府南一里餘據舊圖經載云在州南二里旁溉田千餘頃統記云古烏程縣南一里一百二十步晉太守殷康開塘李安人又開一頃後太守沈嘉重開之更名吳興塘南塘又開之廣德中太守盧幼平又開續圖經云以今地無可溉之田況瀕湖之地形勢卑下若水不苦旱初無籍於灌溉之意當時取土以捍民田耳非溉田也統記東亭下又云在東郡門外三里臨荻塘又舊編云在歸安縣東三里殷康所開旁溉田千餘頃唐元和五年刺史孫儲開一百三十里俾民不乏水今東門外接待

院正在荻塘上眾說紛紛不同莫敢指言若以州治南有荻塘在城中則城中不應有田千餘頃此續圖經所以為疑而舊編指為在東門外抑不觀吳文皇帝廟記云皓始創祠於駱駝東荻塘是為在城信矣今呼橫塘者即所謂荻塘也南橫荻塘則未有今羅城故自今橫塘至迎春門外官塘皆曰荻塘故能溉田千頃連表百餘里以唐武德時築今羅城始有城內外之開故眾說皆妄指以為疑而舊編又附之歸安界外之開故眾說皆分界乃以官塘南北兩岸塘以北在上隸烏程耳荻塘得名吳興沈宏居荻塘家貧好學每夜然荻自照讀書錄云吳興亦非也晉初開時已名荻塘後連表東北出更以得興塘則不俟隋沈宏得名信矣

迎春門外百餘里今在城者謂之橫塘城外謂之官塘

晉太守殷康所築圍田千餘頃後太守沈嘉重修湖之凡為塘岸皆築以捍水作史者以為開塘灌田蓋以他處例觀易開為築易溉為圍

齊太守李安人又開一涇洩水入湖開元中烏程令嚴謀道廣德中

刺史盧幼平元和刺史孫儲並加增修隋沈弘居此

橫塘

面南山之勝對南谿之流自戶口蕃盛土族漸多增土
為園池賈收詩曰河澗流水抱橫塘蘭芷無風也自香
及建炎中徙慈感教院於上春日多
游人往來今大半為亭館沼泚矣

謝塘在烏程縣西十里晉太守謝安開唐大歷中刺史

裴清於其處起謝塘館

蒲帆塘在烏程縣北二里唐開平中刺史楊漢公於塘

中得蒲帆因名

統記云西接長興縣入大谿長八十里
入茶山修貢行此又唐開平二年楊從

重開嘗於
此獲蒲帆

吳興塘在歸安縣東南二十三里

見統記

洪城塘在歸安縣次吳興塘

保稼塘在歸安縣次吳興塘

和塘唐寶歷中刺史崔元亮開

凡名塘皆以水
左右通陸路也

胥塘在長興縣南四十五里昔越相范蠡所築

皋塘在長興縣西四十里山墟名云吳高士皋伯通所

築

荆塘在長興縣南九十里山墟名云漢荆王賈所築

孫塘在長興縣南一里山墟名云孫皓封烏程侯時所

築

方塘在長興縣南三十五里

盤塘在長興縣南四十五里山墟名云方塘盤塘皆以

形言

官塘在長興縣南七十里晉太守謝安所築一名謝公

塘事在顏真卿文

詳見碑碣

直塘在武康縣東十九里路出德清

石塘在德清縣東十八里臨大谿即古武承塘也東為

石塘西塘聯接數里

魏塘在安吉縣北五十里旁有浮玉山所謂白石玲瓏

清泉浸浸者也五代晉時吳瑱將軍隱於此

產小紹東南有名

吳興志卷十九

吳興志卷二十

吳興志卷二十

吳興志卷二十

吳興志卷二十

吳興志卷二十

吳興志卷二十

吳興志卷二十

吳興志卷二十

吳興志卷二十

吳興志卷二十

吳興志卷二十

宋談鑰撰

舊圖經據漢志云吳越之君皆好勇故其民至今好劍
輕死易發續圖經又據晉志曰江南之氣躁勁厥性輕
揚厥今東南文物為盛湖乃甲於東南豈輕揚之性率
以勇則好劍化以禮則尚文與以圖史志總敘兩浙路
人性敏柔而慧尚浮屠之教厚於滋味急於進取善於
圖制為得其實舊編援隋志曰吳郡君子尚禮庸庶淳
龐風俗澄清道化隆洽又以細民怙勇信巫為輕揚之
舊統記曰俗好儒術罕尚武藝人習華侈居處整潔亦

以重釋多淫祀爲言夫風聲氣習今古不同鄉土各異古揚州之域自淮南以及嶺表漢所謂吳越且兼百越之地宋朝三淪領郡十五隋志所述并及宣城毘陵諸郡非獨吳興也故引古而證則鄰於汎繇意而述則幾於誣言其微則彼或未信語其不善則此或有辭請摘古今之特言本郡者參之史志訂之事實其庶幾乎梁武帝評陶隱居書曰如吳興小兒形狀未成長而骨輕甚峭快則慧敏之性有自來矣唐李直方記白蘋亭曰湖州土沃候清其人壽其風信實本朝張公方平曰吳興南國之奧有佳山水發秀人自江左而清流美士餘風遺韻相續也蘇公軾曰吳興自東晉爲善地號山水

清遠其民足於魚稻蓮蒲之利寡求而不爭則知好學淳龐俗澄化洽不爲虛語矧自寶元以來滕宗諒爲守首建學校安定胡掌教講明經義時務文物視古愈昌高宗皇帝駐蹕臨安實爲行都輔郡風化先被英傑輩出四方士大夫樂山水之勝者鼎來卜居衣冠霧合絃誦馳聲上齊衡於鄒魯至如城邑墟市精廬相望山椒水瀕多置野祠狼鬪訟繫未免有司之戚上州重釋信巫好勇細毗之餘習猶有未除者矣

物產

古書有九邱土地所生聚焉周職方志其遺也故後世書述地制者物產宜其載吳興郡土產李宗諤圖經言

綾重面絹花綢白編布茶市葉蓮柑橘菸竹銅統記援
舊經云其土盧其田沮洳原阜宜橘溝塍宜稻續圖經
云禹貢揚州篠蕩既敷孔氏曰注篠竹箭蕩大竹厥草惟夭厥木惟
喬厥貢惟金三品瑤琨篠蕩齒革羽毛惟木島夷卉服
通典云絺葛之屬厥筐織貝注云織細絳貝水物厥包橘柚錫貢周職方
氏揚州其利金錫竹箭其畜宜鳥獸其穀宜稻統言揚
州所產也吳興記云卞山有石似玉謂之瑤琨又有石
穴生鍾乳壟山有紫石英封山有銅今四物皆無有又
頗述穀帛動植視他書為詳焉竊詳本郡北距太湖眾
谿交流地勢平下素號澤國西南則有岡嶺蔓延林木
蒼蔚興毘陵桐州臨安諸山相接故水陸之品麤備比

年又為行都輔郡五方雜處戶口繁庶汙田日治縉紳
多居苑圃花果視昔稍盛而金石之華第有其名豈地
氣土力固亦有限則物產不能無消長耶今志如後

杭唐本州供尚食廚糲米一百九十八石今發上供米僅三分存二按杭或作梗字書梗杭二字同音陶隱居云此即常所食米但有赤白大小異族四五種同一類也急就章注杭謂稻之赤白大小異族四五種本草米穀部有梗米又有稻米陶隱居云道家方藥有俱有稻未梗米此則二種矣唐注云稻者糲穀通名齊民要術卻有水稻注云爾雅曰稌稻也郭璞注曰沛國呼稻為稌廣志曰有虎掌稻紫色稻又云梗有烏梗黑梗之類今並無之舊編云十里香師姑杭為上齋頭曰八月白八月鳥次之穰稷金成為下冷水經為曰稻詢之農人杭名不止此數種往往其名鄙俚不足載大率多壩田所種山田易旱惟種金成俗呼為箭子以其米細而長且耐旱也

稊唐本州供尚食廚糲米二千餘石今歲納糲米一萬五千餘石按本草有稻米禹錫等注云說文稻即糲

也江東呼稷乃亂切齊民要術水稻篇有稷稻之名

糯米糯音奴亂切有九格稷雉曰稷大黃稷之類十

粟

惟金釵稷細而長尤宜釀酒

本續圖經載今山鄉人種黃白二種又有一種曰稷粟

粒細於粟本熟春令白以當梁米俗呼為糯北土人多

以粟糲釀酒又爾雅曰粟糲為糲稻糯為糲黏粟也廣

麥

志曰稷黏粟有赤有白者今世有黃梁穀稷桑根稷

稷稷梧稷本無之

梁吳興太守周敏勸人種麥本草有麥似麥惟皮厚耳

麻

三陶隱居曰今唐本注曰大麥殊不似麥也齊

後續圖經載今鄉人以供食本草有麻黃麻子陶隱居

齊民要術載崔實曰牡麻無實好肥苴麻之有蘊者

苴麻是也又有胡麻一名巨勝宜為油白者油多土

人謂之油麻

豆

陸田亦種之

續圖經載大豆最多本草有大豆赤小豆白豆菘豆

齊民要術有大豆小豆二篇曰今世大豆有黑白二

種及長稍牛踐之名小豆有菘赤白三黃高麗豆

黑高麗豆鶯豆脾豆大類也豌豆江豆黑豆營豆小豆

類也脾音方迭切今鄉人種豆大豆有黑白小豆有

菘赤白又有鶯豆豌豆江豆小大豆可為醬豉山田

種尤多

右穀屬揚州土惟塗泥郡地最低性尤沮洳特宜水
稻又田疇必築塘防水乃有西成之望故統記援爾
雅曰吳越之間有具區區即防水之隄也築圍圓合
具其中地勢之高下列塍域以區別之澇則以車出

水旱則別入水田有堤塘自古然矣今郡境東南鄉分延袤百里田舊有圍塍岸歲修崇固悉為上腴畝直十金西北諸鄉接近山谿春夏水易暴長曩年悉為湖泊畝畝荒蕪十歲九潦今漸復起塍圍歲亦有收矣舊諺云諸郡旱我有岸諸郡熟我無穀今不然也然西北之田終以地勢高下不齊水驟長而易退多病乾隘非東南鄉比也帶山田地則陸種

絹 舊圖經重面絹今納惟衣絹歲萬正急就章注絹生白緇似縑而疏者也舊編云武康安吉絹最佳唐貢御服鳥眼綾舊志有土產綾今發上供綾五千餘正並安吉縣折納到舊編云亦出武康安吉急就章云綾今之雜小綾也

綾 唐貢御服鳥眼綾舊志有土產綾今發上供綾五千餘正並安吉縣折納到舊編云亦出武康安吉急就章云綾今之雜小綾也

綢 舊制志土產花綢唐貢細今夏稅納產綢四千餘正急就章細注抽引蠶璽績紡而織之曰綢

紗 續圖經載今梅給安吉紗有名

絲 續圖經載有舊編云安吉絲尤好今發上供絲五萬兩係安吉以稅絹折急就章注抽引精出緒曰絲

縣 舊圖經載又舊編云武康縣號鵝脂上供經納內藏庫今發上供縣歲五萬餘兩安吉以產絹和買折納急就章注蘭擘之精者為縣

布 舊圖經有白編布統記云唐充貢折造布其御服每疋直十五貫有為龍鳳瑞草花紋今貢白編布二十疋樂府錄東平曲曰吳興布闊幅長度有一疋與誠作袴又鮑照白紵曲下注因湖州紵布作舊編云生紵出思谿編布出道場山今充貢張文規詩紵布直勝羅紈輕黃草布出東鄉有極輕細織成花紋者暑月可以為衣今添

右縑屬本郡山鄉以蠶桑為歲計富室育蠶有至數百箔兼工機織水鄉并種苧及黃草紡績為布有精緻者亦足以見女工之不鹵莽

橘

太湖洞庭山產綠橘號洞庭橘蘇州送橘詩曰信

柑

成朱橘乳畫溝陸常運水灌溉有至數百樹者類有朱柑

柚

禹貢揚州包貢郭璞注爾雅云柚似橙而大於橘孔

木

瓜唐貢木瓜梅谿者尤煎顧渚泉上紅勝類也瓜堂列

楊

梅吳興記云吳興本無楊東坡謂紅慈葬卞山三州來

棗

地雅名石榔故生楊志曰號卞山楊梅又生石榔山風俗

桃

綺爾寺亦要爾地記祭吳越有楊志曰號卞山楊梅又生石榔山風俗

杏

續圖經載據土人所種惟紅杏赤杏

栗

木甚多有大栗實大而少味即板栗也

柿

注又載柿如柿又土人種柿類頗多有紅匾柿

李

續圖經載爾雅再體李馭李西京雜記有朱李黃李

梅

亭德清有梅嶽舊編云今武康德清縣互山谷其種

鶯

以堂頭梅為上橫枝梅惟紅梅鴛鴦梅有實菁山等處

多

亦鶯梅千葉細梅蠟梅惟紅梅鴛鴦梅有實菁山等處

杏

續圖經載據土人所種惟紅杏赤杏

栗

木甚多有大栗實大而少味即板栗也

柿

注又載柿如柿又土人種柿類頗多有紅匾柿

李

續圖經載爾雅再體李馭李西京雜記有朱李黃李

梅

亭德清有梅嶽舊編云今武康德清縣互山谷其種

鶯

以堂頭梅為上橫枝梅惟紅梅鴛鴦梅有實菁山等處

多

亦鶯梅千葉細梅蠟梅惟紅梅鴛鴦梅有實菁山等處

杏

續圖經載據土人所種惟紅杏赤杏

栗

木甚多有大栗實大而少味即板栗也

柿

注又載柿如柿又土人種柿類頗多有紅匾柿

李

續圖經載爾雅再體李馭李西京雜記有朱李黃李

梅

亭德清有梅嶽舊編云今武康德清縣互山谷其種

鶯

以堂頭梅為上橫枝梅惟紅梅鴛鴦梅有實菁山等處

本草注陶隱居云麥李麥秀時熟本土有米李條李

熟最透明李其色明澈蠟李色深黃明州李色深

赤茄李細甚不堪食

車下李有消梨類今鄉土梨類亦不一有黃梨青消梨

梨本大谷梨之類今鄉土梨類亦不一有黃梨青消梨

名麋梨俱下獨安在雪梨之甘美而香

安石榴續圖經載陸機曰張騫使外國得莖林塗林

散有甜者酸者其實紅白光潔者醋榴也紫黯亦

一種千葉紅花多出一安及諸山鄉又有白花

枇杷續圖經載本園中所栽一多有三種長者為柰圓者林檎

林檎續圖經載陳士良云有之舊編云武康德清林檎絕

小者為梃今鄉土有之

佳又有金林檎實

小者為梃今鄉土有之

櫻桃曰今添禮謂之含桃本草有櫻桃陶隱居注

曰即今朱櫻味甘可食今出烏程下徐村

蒲萄續圖經載本草注云子有紫白二色又有似馬乳

者有圓者又蔓蔓名山蒲萄今鄉土有紫白二種

佳亦有人力口口實率如山馬乳白者號漿水蒲萄尤

澁不食

甘蔗續圖經載三都賦謂之諸蔗本草甘蔗注云有兩

種赤色名崑崙蔗白色名荻蔗今土人多水泊遠郭

爾雅荷芙蕖其實蓮夏月藕硬而淡白者藕為秋晚實黑

二種紅者蓮腴而甜藕硬而淡白者藕為秋晚實黑

瑩而甜故鄉人以紅荷蓮初出曰藕為秋晚實黑

取紅謂之石蓮子又嫩莖而無實梁陳故事云章氏

又有千葉蓮花極可愛而無實蘇夫人感而有孕

菱 本草謂之菱一名菱即屈到所嗜者陶隱居云廬江

菱 角一兩角今湖土種此成蕩不止二種兩角者有果

菱 角者小野菱最角極有青菱色青角而曲利四

菱 所重近有野菱無角者謂之餽鈍菱以其形似也秋晚

菱 數實竹箔曝乾去殼為米亦為果有收至十

菱 雞頭陳士良云頭有菱較然詩曰路入菱湖深

菱 人多種葉如盤貼水多刺實大如雞頭破之得數十

菱 硬惟半青黃者謂之合熟甘膩內之黃者肉嫩青者肉

菱 謂之水硫黃以其花日中開也菱花夜開晝合故性

菱 寒葎菜土人呼為雞冠

菱 菜以充蔬亦可煮為羹

菱 鳧茨 今添本草有烏芋注茨菰有烏者根相似細

菱 茨 而美呼為鳧茨恐此也後漢書云今下田種

菱 茨 又謂之團慈茹根如蒜今下田亦種

菱 右果屬本郡山鄉與平土宜木果水鄉有水實鮮潔

勝他郡故詳載

薑 舊編云近太

薑 湖地宜薑

薑 舊編云近太湖地宜葱本草注葱有四種冬葱夏衰

薑 冬盛莖葉俱軟美漢葱冬枯莖硬味薄胡葱葉麤短

薑 冬葱特宜於汙下之地

薤 本草注有赤白二

薤 種今鄉土宜白薤

薤 舊編云非薤土宜

蒜 本草有大小二蒜

蒜 今山鄉皆有之

菘 舊編云春宜菘本草云有一種牛脰菘紫菘白菘今

菘 鄉土有青菘白菘

菘 唐本草注云有二三種有菓龕大者有葉小子細者又

芥 有白芥又云白芥生太原今鄉土有大葉者取其心

茄 充蔬甚辛美收子貯為

白而甜嫩

莧 蔡樽郡齋種白莧供廚本草注有赤莧白莧人

芹 吳興記云烏程溫山出御芹本草注芹有三種荻芹

瓜 舊編云烏程甜瓜有名本草瓜有數種有白東瓜胡

瓠 有之越瓜郡俗呼生瓜謂可生食也

芋 本草注芋有六種有青芋紫芋根大有重斤許者但種不多

蕻 芋又有蕻芋不中食真芋青芋連

蕻 芋未詳今鄉土多種白芋

蕻 芋今添統記云長興縣西湖出佳蕻嘗供德清沈顛兵

蕻 芋荒采蕻芋根供食今水鄉亦種夏初來賣軟滑宜羹

至秋初亦軟美此張翰所以思也

蘿蔔 舊編云合谿者最佳歲常人貢蘇東坡所謂消梨

菰 種本菰注云紫菰一名茭白菰三年以上心中生臺

菰 如藕白軟中有黑脈堪噉今水鄉亦多種色白者

蔓青 舊編云雖非土

莧 本無有莧莧又云有紫色者又有白莧又云吳

苦蕒 本無有莧莧又云有紫色者又有白莧又云吳

菠薐 尤多草種可頻採食耐久故諺云三月食苦又有生

薄荷 菜杜工部所謂春

茵陳 盤生菜細者是也

胡葵

芸臺以上九種今添

右蔬屬蘆菔之屬宜山葱薑之屬宜濕地蓴芹之屬宜水故本郡兼有又有筍類不一附竹下藕條菘菜附藕芡下蒿薺之類多野采甜菜雍菜菘蓬近來自他郡人亦稍有種者設併附見

牛

舊編云農家畜水牛按本草有黃犍牛烏牯牛白牛乳冬月取酥以烏成者為勝黃牛角屈向前者呼沙牛少畜水鄉不用負挽又不能取酥也

羊

舊編云安吉長興接近江東多畜白羊按本草以青色為勝次烏羊今鄉土間有無角斑黑而高大者曰

馬

山墟名云卞山有項王走馬埒洗馬池吳興記云卞山有項王繫馬樹石間有項王馬蹄輿地志長興有

犬

統記云太常卿邱泉之烏程人童幼時握得犬子九頭識者曰犬為人守此兒大當為九郡守後泉之果歷九郡今鄉人多畜以警盜又有田犬獵犬所養有直數千者近又有胡犬小而捷有北犬甚高大皆來自北

貓

又家畜以捕鼠近有黃斑者有毛長如舊者雖似可愛但不能捕鼠實無用也

豕

舊編云田家多豕皆置欄圈未嘗牧放樂歲尤多搗米有杜糠以為食歲時烹用供祭祀賓客糞又宜

豪

考山海經云浮玉之山有獸其狀如虎而牛尾其音如豕吠犬其名曰彘是食人今未詳續圖經有豪豬俗呼野豕禮所謂田豕即山海經彘之類山間往往有之如猪而大且有力量口有二牙長肩有豪長三四寸堅利如錐五七為羣在田食稻在山食芋蔬殊為人害捕之能觸齧傷人故獵者以強弓毒矢而後可

獲有重
百斤者
統記納和向至道場山人曰山多虎又郭文隱武康

虎 為虎探取口骨虎致一死鹿於屋前又石頤山有虎
跑泉詳見武康護國院又臆齋閑覽云武康多虎有
姓朱人數搏之號朱虎殘見搏虎橋下今深山叢蒼

猿 亦能弄獵戶
亦能弄獵戶
亦能弄獵戶
亦能弄獵戶

鹿 居人漸蕃設檻弄掩取今遂遠徙矣
居人漸蕃設檻弄掩取今遂遠徙矣
居人漸蕃設檻弄掩取今遂遠徙矣
居人漸蕃設檻弄掩取今遂遠徙矣

麇 舊編云安吉長興武康山多麇鹿
舊編云安吉長興武康山多麇鹿
舊編云安吉長興武康山多麇鹿
舊編云安吉長興武康山多麇鹿

狸兔 魚祭天者多出谿岸邊其骨亦療食魚骨
魚祭天者多出谿岸邊其骨亦療食魚骨
魚祭天者多出谿岸邊其骨亦療食魚骨
魚祭天者多出谿岸邊其骨亦療食魚骨

受羈制以鄉土多水視平陸州郡為不蕃山獸有羈

豺等閒有一二今不載

雞 陸龜蒙雪上紀事記云雞豚聊饋餉甫火謝肱為吳
陸龜蒙雪上紀事記云雞豚聊饋餉甫火謝肱為吳
陸龜蒙雪上紀事記云雞豚聊饋餉甫火謝肱為吳
陸龜蒙雪上紀事記云雞豚聊饋餉甫火謝肱為吳

鵝 統記德清沈朝家多畜
統記德清沈朝家多畜
統記德清沈朝家多畜
統記德清沈朝家多畜

鴨 舊編云田家畜多畜
舊編云田家畜多畜
舊編云田家畜多畜
舊編云田家畜多畜

鶴 今肥飽遺粒取其子以賣齊民要術云嘗
今肥飽遺粒取其子以賣齊民要術云嘗
今肥飽遺粒取其子以賣齊民要術云嘗
今肥飽遺粒取其子以賣齊民要術云嘗

溪 於庭廡鳴甚哀筮之得睽之離果二雛為漁人所獲
於庭廡鳴甚哀筮之得睽之離果二雛為漁人所獲
於庭廡鳴甚哀筮之得睽之離果二雛為漁人所獲
於庭廡鳴甚哀筮之得睽之離果二雛為漁人所獲

鴛鴦 劉禹錫送韓中丞之吳興口號曰溪上鴛鴦避畫
劉禹錫送韓中丞之吳興口號曰溪上鴛鴦避畫
劉禹錫送韓中丞之吳興口號曰溪上鴛鴦避畫
劉禹錫送韓中丞之吳興口號曰溪上鴛鴦避畫

折悅

啄木

今添長興有啄木嶺山墟名

杜鵑

今添李益顧渚茶山詩子規一聲山

伯勞

今添本然顧渚行曰伯勞飛日芳草

伏翼

今添山墟名云伏翼潤多產伏

鷓鴣

並續圖經載

鷓鴣

鷓鴣

鷓鴣

鷓鴣

鷓鴣

注爾雅鷓鴣

鷓鴣 向野鳥也冬初出盛俗所貴

鷓鴣

雨雅鷓鴣鵲注今之鷓鴣也好羣飛沈水食魚

鷓鴣

有鳥而勿之至今賣此鳥必去頭

鷓鴣

鷓鴣

鷓鴣

鷓鴣

鷓鴣

鷓鴣

鷓鴣

鷓鴣

鷓鴣

雕

右禽屬本郡多水故家禽蕃鵝鴨野禽多鷗鷺而近山林則有雉雉之類續圖經舊編所載及今添殊不能備也山墟名載長興鳳亭鄉云昔有鳳棲於此鳳非常禽統記載慈禽不知其名亦略去

鱸

本出松江太湖魚性湖流遇水漲上入苕

鰻

山海經云苕水多鰻魚注鰻魚狹薄而長頭大者尺餘太湖中今饒之兩雅鰻刀注今之鰻魚也出太

鰻

湖肥美鰻作啟切一名刀魚煎炙

白魚

舊編云湖白次鱸今鄉者可謂鮮者鄉人以爲珍珠

青魚

統記云風俗占云青魚噴浪天必大風舊編云止可爲鮮本草云作鮮與服石人相反

鰻

舊編云鰻次白鄉土頗貴此魚張

鰻

舊編云鰻次白鄉土頗貴此魚張

鰻

本可作鮮今鄉人以爲鮮極肥美爲膾次之

鰻

本可作鮮今鄉人以爲鮮極肥美爲膾次之

鰻

本可作鮮今鄉人以爲鮮極肥美爲膾次之

鰻

本可作鮮今鄉人以爲鮮極肥美爲膾次之

鰻

湖舊編云鰻次白鄉土頗貴此魚張

鰻

湖舊編云鰻次白鄉土頗貴此魚張

鰻

湖舊編云鰻次白鄉土頗貴此魚張

鰻

湖舊編云鰻次白鄉土頗貴此魚張

右魚屬郡有漁戶專以取魚爲生風朝雨暮月夜雪

天鼓柅鳴榔披蓑垂釣悠揚波上宛若圖畫又有據
水畔設網編葦為斷又獨籠罩機械不一四時不停
隨得隨貨俗喜鮮食多寡皆盡至於桃花水生黃梅
潦漲湖魚沂急流而羣上漁人至施長網截巨川而
取之舉網至數十尾市價為俯家率飮且為鮓以寄
遠非時暑又為鱸

蜂類不一維成蜜者名為蜜蜂山家率為筒塗蜜以
致之蜂以類至采花釀蜜至冬取之必餘其半以為
蜂食不爾無噍類矣有黃蜂爾雅云在樹上作房江
東亦呼為末蠶有黑蜂甚大名土蜂爾雅注云江東
呼大蜂在地作土房者為
王蠶二蜂皆毒皆螫人
鼃類不一唯色帶青而肱長者為人所食漢書東方
朔傳上林南山水多鼃魚貧者得之以人給家足惟鼃
以貨名田雞近有知梁繇楊迪云判跋云紹興庚申

歲故相朱公勝非為湖州守者首禁采捕甚嚴一日
謂僚屬曰某係而奉玉音云朕前夕夢數百白衣人
逐朕乞命問之臣等乃備禁中品饌乞詔免采捕朕
嘗受刀砧之苦今又將降旨禁戢卿為朕記之當更
嗟異而許之見印施本郡每歲夏初即舉行揭榜禁捕
舉察此文見山目山有蛟龍池者相傳入
吳興記云天目山有蛟龍池者相傳入
山之嘗見山目山有蛟龍池者相傳入
山之人嘗見山目山有蛟龍池者相傳入
得無它乎蓋古城按說文蛇也上所化也
如家屋上食鼠子雀雞又有蝮蛇赤蝮蛇黃領蛇多
短頭尾相似大毒今鄉土皆有之烏梢黃領不長身
赤蝮亦能傷人惟蝮蛇大毒俗呼土烏梢黃領不長身
也夏夜多橫臥當道踐之即被咬不調白芷末飲亦
者山間人多有草藥能療之即被咬不調白芷末飲亦
能治本草又云蝮蛇七月中毒盛時吐口中涎沫
於草木上著人身即腫成瘡卒難治療名蛇瘡又
一種小蛇色極青能登木在竹上樵人多為所傷一
種如蛙而長色如竹葉多在竹上樵人多為所傷一
其毒均

蝮蛇赤蝮亦能傷人惟蝮蛇大毒俗呼土烏梢黃領不長身
也夏夜多橫臥當道踐之即被咬不調白芷末飲亦
者山間人多有草藥能療之即被咬不調白芷末飲亦
能治本草又云蝮蛇七月中毒盛時吐口中涎沫
於草木上著人身即腫成瘡卒難治療名蛇瘡又
一種小蛇色極青能登木在竹上樵人多為所傷一
種如蛙而長色如竹葉多在竹上樵人多為所傷一
其毒均

蜘蛛

本草云蜘蛛數十種爾雅所載七八種耳有色黑而黃斑足長身大者為網罟花木上能螫人又有緣壁而大者能

蜈蚣

制本蛇亦齧人吳川桑汁白鹽塗之即愈今鄉土有之草一名蟪蝓今鄉土有之

蝻

蘇東坡為湖守有詩云風定軒窗飛乃多蚊脚若谿漁隱曰吳興澤國春夏之交地尤卑濕乃多蚊脚若谿漁隱

蚊

多者灰色也俗稱草蚊日交地亦飛統記云江子滙自昔

龜

長與蘇氏有飛出昔人惟山閒草多處有城市罕見

黃安世

於所居渚次見神龜一頭自水登岸流精出

鼈

其年為長壽改遂表獻之救改

鼈

詩言炮鼈古為佳饌

龜

舊編云鄉土有龜人以為珍左傳宰夫解龜食大

蟹

杜牧之吳興詩曰吳谿紫蟹肥舊編云八九月谿蟹

蝦

本草云小者生亦不可食今有二種黑者出谿白者

螺

今添本草有田螺生水面及湖濱大如桃李今有之

蟬

大觀元年鳥程漁山有漁者邵宗蓋以取羸蟬為業
夢僧叩門粵四日剖蟬見珠得阿羅漢偏袒右肩矯
首左顧現行脚相傾封發誓不復食蟬本草蟬為大
蛤又有蜆現形如海蛤而壳厚者有細長如蠅者俗呼
慈感寺有郡人劉壽珠羅漢今在

右蟲屬凡居陸安水蠕動之類皆曰蟲厥彙最夥今

舉其可紀者昔周官二訓掌道地慝說者曰地慝地

所生惡物害人者若虺蝮之屬禹鑄鼎象物百物為

備使民知神姦鄉土有數物能螫嚙人或為異所謂

地慝今復附見使人知所避也云

禎明中杭州差軍將吳承裕與道正等賣龍簡詣卞
山金井洞設醮已畢有黃龍現於洞中可長二丈爪

牙鱗鬣光照山川遂於洞側置

祥應宮靈物不常有故不載

吳興記烏程東南三十里有桑墟梁陳故事吳興太
守周敏勸人種桑顏真卿西亭記烏程令李清種桑

桑

盈數萬本草有山桑有家桑桑葉極者名雜桑爾雅有

女桑屢桑齊民要術有荆桑地桑今鄉土所種有青

桑十畝者屢桑桑山桑也生於野

潘焯吳興詩曰

桑柘遠連雲

柘

桑柘遠連雲

松

輿地志成山周回十五里悉產青松法華寺

前高智周精舍寺

杉

唐高智周精舍寺

柏

德清文墅山郭先生手種柏千

株太玄觀遠壇有古柏十九

檜

庭堅如金雄寺殿前古檜中空裂為四枝蔭半

陳武帝在田時有楓木下見一人謂曰子後當富有

楓

四海言訖不見出梁陳故事又本草云楓脂淪於地

為年變為琥珀往於松脂得茯苓有重斤許者

桂

山號三桂棚出寺碑

榆

山墟名云榆皮可入藥莢可為羹實可為醬材可為

白榆又云榆皮可入藥莢可為羹實可為醬材可為

榆

器用齊民要術有白榆刺榆
榆今鄉土有刺榆南百里有
吳興記云烏程縣四種青桐
映井本草注桐有桐四種似
有子可為油桐鄉土俱有之
琴瑟又有梧桐黃檗土俱有
烏程有黃檗山黃檗俱有之
本草有黃檗山黃檗俱有之

櫛 櫛山櫛名櫛云貴峴山多產
櫛山櫛名櫛云貴峴山多產

栲 栲山櫛名櫛云貴峴山多產
栲山櫛名櫛云貴峴山多產

櫟 櫟山櫛名櫛云貴峴山多產
櫟山櫛名櫛云貴峴山多產

杭 唐貢杭子以杭木
汁煎浸鴨子也
吳興記云烏程縣南百五十里有

柳 柳墟又有柳湖又金石山多蒲柳
德清黃山
梓 梓清華廟
漆 舊編云縣脚嶺多漆林又

槐 槐
樟 樟
栩 本草云即
檉 爾雅檉河柳本草
楮 楮

杞 杞
枳 枳橋類本草注今江南
俱有江北有枳無橋

吳茱萸 吳茱萸
中別山茱萸也
以別山茱萸也

櫻欄 舊編德清太玄觀
遠壇有櫻欄三株

牡丹 本草云
吳牡丹

右木屬續圖經多載內檜檠栲漆槐栩楮杞枳九種

新添茱萸牡丹元係藥屬按本草云藥之屬木者附木今不別條

筵竹 舊圖經云左太沖吳都賦曰其竹則筵筵統記云今斑竹呼瑋瑋竹

苦竹 吳興記今石山多苦竹武康有黃竹村

箬竹 山墟名云箬峴山以產箬為名又長興縣有上箬下箬里

笙竹 吳都賦作桂舊編云早笙食筍晚笙養竹

淡竹

勛竹

篔竹 以上四種皆宜為器並續圖經所載

燕竹 筍最早燕至即生

篔竹 宜為篔絲

紫竹 紫色

慈竹 四時皆出筍周生外故曰慈

閒竹 有黃竹而閒青者本出會稽曰黃金閒碧玉又有青竹而黃閒者

貓竹 筍出如貓頭本出於江西今有之筍甚大

象牙竹 筍白而大

哺雞竹 今添

右竹屬古揚州有篠蕩爾雅東南之美有會稽竹箭郡地舊屬會稽郡郡之產竹自古然矣嘗觀齊民要術云北方之竹不過苦淡二種本草於苦淡外有篔謹音而已吳都賦有篔簹筍李善云皆出嶺外本郡竹

類亦可謂多也

苕

郡有苕谿統記曰葦花蘭心曰

蘋

似蓴而白蘋洲柳暉江南曲曰汀洲採白蘋統記曰蘋

菰

謂大苕誤矣蔣荻也本草有菰白俗呼茭白又

蒲

古樂府云拔蔣菰也東遷僧喬半蔣席體

蘭

山墟名南嶼山有蘭芷畹西施種香之所本草蘭草

荻

郡有荻塘隋錄沈宏居

蕙

荻塘夜燒荻自照讀書

芷

一名菖蒲別名

見上

蘭芷畹

茅

梁陳故事白茅山生

葛

山詩捫葛前谿曲黃葛生爛漫袁高

薇

吳均何山雜詩

苔

李驛法華寺詩云莓苔

苕

德清沈顛兵荒

蘊

采蓴苕根供食

藻

朱藤山墟名紫花湖之下生

紅躑躅

統記三月開紫花滿澗

海紅

統記云生上強

朮

舊編云天目

朮

山多種朮

艾舊編云蘭蕙若
艾陸藥芹菰蒲

右草屬根荻之類草最多今特紀其著者又有半夏

香附子何首烏等續圖經元附藥類又武康有芝田

里長興有靈芝鄉芝為瑞物今俱不載

銀吳興記烏牛山有古銀鉛三所又安
吉縣移風鄉銀坊即古采銀之所

銅輿地志長興銅官山下有兩坎深數丈方圓百丈云
古采銅之所山墟名銅峴山即吳王采銅之所括地
志云安吉銅山吳采銅而死廟在銅官山詳見廟祠

錫鉛括地志云白楊山上有兩穴
古采錫之所烏牛山有阮鉛

瑤琨吳興記云卞山洞中有
石似玉時謂之瑤琨石

白礬山吳興記長興白石
山出白礬故名

紫石英吳興記紫石英
山

鐘乳石牀吳興記云卞山下有石穴晉太守王思執炬
入數步漸深澗見鐘乳恐入采之猶有乳牀

太湖石唐白居易作奇章公石記以太湖石為第一
編云洞庭大雷小雷二山多美石奇巧者以供
玩好有聲極清可為磬者大率近湖之山石多
玲瓏卞山有大小玲瓏山石皆中空若雕鏤而
成者石林在焉白居易嗜書嵇中散嗜琴靖節
有所嗜玄晏先生章公嗜石石無文無聲無臭
嗜酒今丞相晏奇章公嗜石石無文無聲無臭
味與三物不同而公嗜之何也眾皆怪之走獨
知之昔故友季生名約有云苟適我意其用則
多誠哉是言適意而已公之嗜適我意其用則
以司徒保釐河洛治家無珍產奉身無長物惟
東城置一第南郭營一墅精葺宮宇慎擇賓客
性不苟合居常寡遊息之時與石為伍石之所
族聚太湖為甲羅浮天竺之徒次焉今公之所
嗜者甲也先是公之僚吏多鎮守江湖五年閒
心惟石是好乃鉤深致遠獻環第南墅列而
置之富哉石乎厥狀非一有盤拗秀出如靈邱

仙雲者有端嚴挺立如真官神人者有續潤削
成如圭瓚者有廉稜銳劍如鬼如獸若行若驟
如鳳若跼若動將翔之夕洞穴開塏若欲雲戴
將竦將鬪然有可望而畏之者煙霽景麗之旦巖
雷嶷嶷然有梯嵐撲黛靄靄然有可狎而玩之者
寧靈靈若梯嵐撲黛靄靄然有可狎而玩之者
昏曉之變名狀不可撮要而言則三山五岳百
洞千壑觀縷簇縮盡在其中百仞一峯千里一
瞬坐而得之此所以為公適意之用也嘗與公
迫觀熟察相顧而言豈造而自一不成其間乎將
胎凝結偶然成或委海隅或淪湖底高者僅數
仞重者殆千萬年或委海隅或淪湖底高者僅數
騁怪為公眼中一物公又待之如賓客親之如
賢哲重之如寶玉愛之如兒孫知精意有所召
耶將尤物有所歸耶孰為而來必知精意有所召
大小其數四等以甲乙丙丁之品每品有上中
下各刻於石陰曰牛氏石甲之品每品有上中
下噫是石也百千載後散在天壤之內轉徙隱
見誰復知之欲使將來與我好者觀斯石覽
斯文知公之嗜石之自與我好者觀斯石覽
會昌三年五月丁丑記

赤土

長興有赤土可以護宮殿術注山墟名

金沙泉

統記顧渚貢茶院側有碧泉湧沙粲如金泉元
和五年刺史史范傳正判亭曰金沙舊編云泉在
貢焙院西出黃沙中引入貢焙蒸搗皆用之杜
牧之詩曰泉瀨黃金湧注云山有黃沙泉即此泉
即出罷貢即絕唐地志注云山有黃沙泉即此泉
也刺史裴清有進表翰林學士毛文錫有記云
將造茶太守具儀注拜敕祭泉頃之泉源發渚
溢供進御者畢水即微減供堂者畢水即半之
太守造半水即涸矣太守或還旆稽期則示風
雷之變唐貢泉用二銀瓶國初一銀瓶今不貢
茶泉亦不通

右金屬今俱無有獨有湖石赤土爾或云紫石英壘

山閒掘地得少許尙未見也姑載以存古又有金吳

興記武康金山昔人見山夜中有鐙掘之得金百斤

又沈傳以孝行聞開元十六年三吳大饑夢人遺金

既覺淘井得銅瓶貯金五十兩又烏程有千金墟金

斗村唐武后時包氏子於上強山一白鹿吐兩珠乃以一

珠唐武后時包氏子於上強山一白鹿吐兩珠乃以一

珠唐武后時包氏子於上強山一白鹿吐兩珠乃以一

土貢

唐歲貢御服折造布二百一十端唐志作折阜舊圖經

云阜當作造統記云折者浣練精細如折米取其心爾

或曰以多折少而造取其精緻按唐貢顧渚茶亦曰折

造恐無浣練之意也紫筍茶一萬串唐張文規詩曰

動傳奏吳興紫筍來白居易茶山詩曰紫筍齊嘗各鬪

三百八十三石三斗三升黃糙米一百九十八石木瓜

糝四柑木瓜煎三柑單黃杭子一千三百五十顆爾雅

杭魚毒郭氏注杭大木子似栗生南方皮厚汁赤中藏

卵果齊民要術作杭子法純取雌鴨無令雜雄足其粟

汁常令肥飽一鴨可生百子取杭木皮淨洗莖剉煮取

月任食吳中多作至數十升和之令極冷納瓮中浸及一

白蜜三石砂盆一百枚金沙泉一銀瓶舊編云唐貢泉

見長興縣乳柑五百箇見舊圖經按新唐志湖州土貢

糯米黃糙紫筍茶木瓜杭子乳柑蜜金沙泉統記云龍

德三年貢布三十端供御服折造布二百九十疋紫筍

茶一萬串出長興縣大麻六年始造木瓜糝大麻元年

司並以兩稅錢和布充黃糙米貞元十三年糝米十

四年砂盆十五年始進元五年減米六十六石本郡

未嘗經兵火架閣典籍具在統記與國中攝本州長史

左文質贊有可攷據故所載年代數目可以補史之遺

左文質贊有可攷據故所載年代數目可以補史之遺

左文質贊有可攷據故所載年代數目可以補史之遺

左文質贊有可攷據故所載年代數目可以補史之遺

宋朝太平興國三年貢乳柑五百顆白編布二十疋

紫筍茶一百觔金沙泉水一瓶其瓶浪銀打成并鎖鑰重五十六兩見統記

大中祥符閒貢大編布二十疋乳柑五百箇見李宗諤圖經熙

寧中貢白紵二十疋漆器三十事見王存九域志紹興以來貢

白紵編布二千疋見舊圖竊攷唐之歲貢參訂史志諸

書如鳥眼綾縣綢布紵唐初所貢數雖不詳統記載武

德三年布三十端可見其不多矣供御服折造布與木

瓜杭子茶蜜代宗大厯元年至六年始進惟是以兩稅

錢和布供故不至甚病民糯米黃糙與砂盆德宗正元

十三年至十五年始進至元和中米已三損其一乳柑

不載所進之年紫筍茶大厯五年始於顧渚置茶貢院

側有碧泉湧沙粲如金星則金沙泉亦大厯後所進也

唐自高祖太宗以慈儉保養天下物貢有常未嘗妄取

後嗣相承至於肅宗不聞更易大厯正元閒薦經兵革

貴官用事至於口腹之奉責貢於遠唐都長安不憚煩費累

增不已繇一郡而觀其他可知亦足知唐室盛衰之故

也宋太平興國三年吳越歸版圖於職方郡始修貢自

是每歲惟供乳柑編布茶角瓶泉如統記所載視唐數

已太歉又減茶泉故舊圖經惟載柑布二物後又免進

柑據舊編云寶元中知州事滕宗諤因貢乳柑故九域

志惟載白紵漆器今又獨貢白編布而已列聖相承以

節約為家法先王所謂物土之宜而致其利者代以蠲

損可為萬世法

嘉泰吳興志二十卷宋談鑰元時撰元時歸安人淳熙八年進士書錄解題署銜樞密院編修前有嘉泰改元郡丞傅兆敬序明嘉靖時徐長谷撰吳興掌故集猶及見之後不傳開四庫館時館臣從大典輯出未及編纂進呈外閒傳鈔有分二十卷者有分十五卷者亦有不分卷者今所存原目沿革一分野二城池三坊巷四鄉里五山六河瀆七宮觀八壇壝九官制十公廨十一郵驛十二管鎮十三學校十四軍營十五古蹟十六宮室十七苑囿十八亭十九祠廟二十寺院二十一守令題名二十二著姓二十三賢貴事實二十四進士題名二十五列媛二十六釋道二十七碑碣二十八食用故事

吳興志卷二十

嘉泰吳興志二十卷宋談鑰元時撰元時歸安人淳熙八年進士書錄解題署銜樞密院編修前有嘉泰改元郡丞傅兆敬序明嘉靖時徐長谷撰吳興掌故集猶及見之後不傳開四庫館時館臣從大典輯出未及編纂進呈外閒傳鈔有分二十卷者有分十五卷者亦有不分卷者今所存原目沿革一分野二城池三坊巷四鄉里五山六河瀆七宮觀八壇壝九官制十公廨十一郵驛十二管鎮十三學校十四軍營十五古蹟十六宮室十七苑囿十八亭十九祠廟二十寺院二十一守令題名二十二著姓二十三賢貴事實二十四進士題名二十五列媛二十六釋道二十七碑碣二十八食用故事

二十九井三十橋梁三十一堰渡三十二塘三十三風
俗三十四物產三十五土貢三十六仍分為二十卷嘉
定至順兩鎮江志亦出自大典雖非完書猶勝遺佚而
井至塘四卷應移於河瀆之下風俗直接食用故事則
尤善矣歲在甲寅正月吳興劉承幹跋

谷卷香今池谷風日谷草一衣理二熱餅三世卷四
張呈水間潤趁百谷二十卷香百谷十五卷香亦百不
張之對不書開四車前和謂百谷大典陣出未及蘇禁
帳丞和炎姑京即蘇散和谷長谷對吳興筆妙集蘇女
八平蘇士香蘇池蘇書密蘇蘇蘇蘇蘇蘇蘇蘇蘇蘇
蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇

